

MALI KALANKO MINISIRISO

Balikukalansoba - Bamako

Bamanankan Sariyasun

LADILIKAN W

Nin kansariyasun in dahôra min kama, o ye de, kalandenw ka bamanankan mabèn dòn, u ka se ka miiri kan yèrè mabèncogo kan, ani u ka se k'a sèbèn sèbènko nyuman na. Gafe yèrè bée, fèn durusita t'a la. Hakili jaga-bòbaaraw dama de b'a la, n'o bè kè ni degeliw ye, n'an b'a fò olu ma labiliw ni yèlèmaliw, ani kumanyògônya, n'o ye nyininkaliw n'u jaabiw ye.

1. Kalansen kècogo

Kalansen bè daminè ni masabolo ye, wala kymasenw wala ja.

Karamògò bè kalandenw nyininka-nyininka o de kan fo ka taa a se, u ka se ka kalansen kun faamuya u yèrè ma. Karamògò bè sòrd k'o faamuyali sèmèntiya n'a yèrè ta fòcogo ye, ani sèbènnisariya minnu ka kan ka bò a kònò. O kètò, karamògò ka kan ka kuma sèbènni ni kuma dala-fòli bò nyògòn na. N'a ko : "a' ye n'lamèn"; o kòrd ye ko dalafòli don. "a' y'a lajè", o ye sèbènni ye.

N'o banna, karamògò bè degeliw daminè.

Labili :

Labili ju ye kumasen kelen ye, danyè min siya ye kalansen-kun ye : karamògò b'a nyini kalandenw k'o falen,

k'o nyögònna wèrè bila kumasen kelen in kònò. O tuma o danyè minnu ye siya kelen ye, olu bë nyögòn labi-labi. Gafe in kònò an ye misali damaw de di. Karamògò yèrè ka baara bë kè ka kumasenw nyini, minnu bë bèn a ka kalanso ma, walasa ka labilidegeli dafa ka nyè.

Yélèmali :

Yélèmalidegeli ni labilidegeli ka surun nka yélèmali la, kumasen tè to a nò na, kalandenw b'a yélèma ka kè kumasen suguya wèrè de ye. O tuma karamògò bë kumasenw fò, minnu bëe mabèncogo ye kelen ye, kalandenw b'a bëe yélèma cogoya kelen na, i n'a fò : karamògò bë kumasenw fò sònsira la, kalandenw b'u bila bansira la.

Misali : kar. : - an bë taa.
kal. : - an tè taa.

Kalansen laban ye baara kétaw ye.

2. Sariyasun danyèya

An ye danyè kura dòw labèn ka bèn bamanankan sariyasun ma. An bèna olu di aw ma, an'u kòròw. Dòw b'u la, olu tè fò kalandenw ye nka a ka kan karamògò ka u dòn. Minnu bë fò kalandenw ye, an b'olu pereperelatigè aw ye. Karamògò tè min kòrò dòn, a b'o nyini kankodònniya danyèsèbèn kònò.

KULU : O ye danyèw ye, minnu bë danyèmasa dò jiidi (KULUKUNTI). N'i ye kumasen ta, i bë se ka danyè bëe cè fo kelen min, n'o cèra a kumasenya bë ban, o de ye kulukuntigi ye.

Misali : Madu denkè fòlò / bèna don kalan na.

"Madu denkè fòlò" : o ye kulu ye.
"bèna don kalan na" : o ye kulu ye.
"denkè" ni "don" : olu ye kulukuntigi ye.

KULU FÒLÒ : N'i ye kumasen o kumasen ta, i b'a sòrò kun de bë kuma yèrè la, mògò dò, wala daba dò, wala fèn dò de bë kofò, ka kunnafoniw di o kan. O ye KUMASENKUN ye. Kalansen kònò, an b'a fò o de ma kò kulu fòlò.

Misali :"Madu denkè fòlò" : kulu fòlò.

KULU FILANAN : KUNNAFONI min bë di kumasenkun kan, n'o bë se ka kè wale n'a dèmèlan ye an'a dafaw, wala mankutulan ni "ka" min b'a nyè, wala fèn wèrèw. O de bë wele kalandenw nyè na kulu filanan.


Misali : "bèna don kalan na" : kulu filanan.

TÒGÒKULU : Kulu min danyèmasa, (a KULUKUNTI), o ye tògò ye, wala nònabila, o de ye tògòkulu ye. A ka ca a la, ale de ye kulu fòlò ye. Nka a bë se ka kè kulu filanan fana dafa ye.

WALEKULU : Kulu min kulukuntigi ye wale ye, wala kunnafonilan, o de ye walekulu ye. A ka ca a la, ale de ye kulu filanan ye.

KÒBILAKULU : Ale bë kulu filanan de la. A dilalen bë ni tògòkulu ye, ka kòbila da o kan, a kunnafonilan ye "bë" ye ka caya (misali : muso bë sugu la). nka a bë se ka kè kulu filanan kò fè fana, k'a kè i n'a fò kulu sabanan. Nka an t'o kalan sisan.

SÈMÈNTIYALANW : Danyè wala danyèkulu min bè wale wala mankutulan wala kumasen yèrè sèmèntiya, o de ye sèmèntiyalan ye. Sèmèntiyalanw yèrè-yèrè bè yen, nyèci wèrè si tè minnu na ni sèmèntiyali tè. Nka sèmèntiyalan wèrèw bè yen, minnu ye tògòw ye, wala kòbilakuluw wala danyè suguya wèrèw, minnu tè sèmèntiyalan yèrèwolow ye, nka u bè sèmèntiyalanya mako nyè. u tigina filè nin ye :



WALEKUMASEN : ni kulu fòlò tè kumasen min na (i n'a fò DIYAGOYALIKUMASEN), a bè fò o ma ko wa-lekumasen.

Misali : bò.


TÒGÒKUMASEN : ni kulu filanen tè kumasen min na (i n'a fò weleliw), a bè fò o ma ko tògòkumasen.

Misali : Madu.

A ka kan karamògò ka nin danyè fila dòn nka nyin'an kalan ma se u ma.

KUNNAFONILAN : kulu filanen wala kunnafoni, danyè min b'o daminè na, o danyè de ye kunnafonilan ye. Fèn dadònnenw don. U dòw filè nin ye : bè, tè, ka, ma, don, ye. Nka -ra bè nòrò wale la kulu filanen kòndò.

MANKUTULAN : mankutulanw ka ca. Tògò camán bè yen, i bè se k'o kè ka tògò wèrè mankutu, nka danyè dòw bè yen, olu ye mankutulanw yèrè-yèrè ye. Wa n'i y'u bila kulu filanen na, u kunnafonilan ye "ka" ye. Olu ye kamankutulanw ye.



FARANFASILANW ni HAKELANW : olu ye danyè suguyaw ye, minnu ye dadònnenw ye, u bë sòrò tògòkulu la.

Faransilaw : mògò dò, mògò wèrè, mògò yèrè, jègè fèn ma san..

Hakelanw : mògò kelen, mògò kèmè, mògò damadò, malo dòonin, misi caman.

TÒGÒ JIIDIW : tògòkulu kònò, n'a bòra kulukuntigi la, a tò bëe ye jiidiw ye.

Misali : Madu denkè fòlò / bèna don kalon na nin kumasen in kònò, tògò ye "denkè" ye, "Madu" y'a jiidi dò ye, "fòlò" y'a jiidi dò ye.

Hakelanw, faransilaw mankululanw, nin bëe bë se ka kè tògò jiidi ye.

KUMAFÒNÒNA, KUMANFÈNÒNA, KUMAKANNÒNA : Nônabilaw la, minw ye kuma fòla ye (n/ne ani an'anw), olu ye kumafònònaw ye. Kuma bë kè minnu fè (i/e ni a'/aw), olu ye kumanfènònaw ye. Kuma bë fò minnu kan (a ale ni u olu), olu ye kumakannònaw ye.

NÒNABILA SINSINNENW ni NÒNABILA GANSANW :

Foldò filè : n, i, a, an, a', u.

Filanaw filè : ne, e, ale, anw, aw, olu.

KELENYA ni CAYA : taamasiyèn tè kelenya la, caya taamasiyèn ye -w ye.

FÒKUMASEN, NYININKALIKUMASEN, KABALIKUMASEN, DIYAGOYALIKUMASEN : olu ye kumasen suguyaw ye.

Misali : fòkumasesen : Madu ye wara faga.

nyininkalikumasen : Madu ye wara faga wa ?

kabalikumasen : Madu ye wara faga koyi.

diyagoyalikumasen : marifa ci wara la.

NYININKALIDANYEW : wa, min, min, tari, yala, jumèn..

NYININKALITOMI : ?

KABALITOMI :

SÒNSIRA ni BANSIRA bë kumasen suguya bëe la.

Misali : a bë na / a tè na,
a taara / a ma taa.
na / kana na.

KAFOLI taamasiyèn dò ye ni (ani) ye, a bë danyè minw kafo, olu ye DANYE KAFOLENW ye.

JIRALAN : danyè min bë jirali kè (nin cè in ; o cè)

TIGIYALAN bë TIGIYA jira (Baba ka fali)

PEREPERELATIGÈLAN bë tògò pereperelatigè ; ale ye kan-hakè de ye, a bë tògò kannyè laban kan : sogo' don.

HAKÈLAN bë se ka HAKÈ dadònnen jira, wala dadònbali.

Misaliw : hakè dadònnen : fila, kèmè.

hakè dadònbali : caman, damadò.

kalansen 1

KUMASEN

kar. : - "ne bè baara kè".
a' y'a faamuya wa ?

kal. : - ònhòn.

kar. : - n ko di ?

kal. : - i ko k'i bè baara kè.

Karamògò b'a sèbèn walanba kan : "Ne bè baara kè."

kar. : - "ne bè..."
a' y'a faamuya wa ?

kal. : - ayi.

kar. : - mun na, a' ma n faamuya ?

kal. : - i ka kuma ma dafa.
ma ban.

kar. : - o tuma n t'o sèbèn, bari o tè kumasen ye. kuma
min dafara, o ye kumasen ye, min ma dafa, o tè
kumasen ye.

kar. : - jòn bè kumasen dò fò ?

Kalandenw bè kumasen caman fò, karamògò b'u sèbèn
walanba kan.

Kumasen minw ma dafa, kalandenw yèrè de ka kan k'olu
jira. Karamògò b'u dafabaliya kun fò : kòrô t'u la.

Karamògò bè "kalanjè" ja dò sugandi, ka nyininkaliw kè,
minw b'a to kalandenw bè kumasenw dila.

Karamògò b'o kumasenw sèbèn walanba kan, ka tugu nyò-
gòn na walasa a ka kè masalabolo walannin ye. Kumasesen
kelen-kelen bée ka kan ka sèbèn karamògò fè nin cogo in
na : a bè daminè ni signiden kunba ye, ka laban ni tomi
ye.

kar. : - dò ka kumasen dò kalan.

Kalanden dò bè kumasen dò kalan.

kar. : - e y'a dòn cogo di ko kumasen don ?

kal. : - kuma dafalen don.

kòrô b'a la.

a bè daminè ni signiden kunba ye, ka laban ni
tomi ye.

Kòlòsi : ni kalandenw ma jaabi laban in sòrô,
karamògò ka kan k'a fò u ye. kumasen
sèbènnen tè kumasen ye n'a tè daminè
ni signiden kunba ye, ka laban ni
tomi dò ye.

Karamògò bè kumasen saba sèbèn, minw tè daminè ni
signiden kunba ye, u tè laban ni tomi ye.

Karamògò b'u kalan, ka nyininkali kè :

kar. : - ninnu ye kumasen ye wa ?

kal. : - òwò.

kar. : - u sèbènnen ye kumasen ye wa ?

kal. : - òwò. / ayi.

kar. : - ayi. an ye mun fò kumasen sèbènnè ko la ?
 kal. : - kumasen sèbènnè tè kumasen ye, n'a tè daminè ni
 siginiden kuban ye, ka laban ni tomi ye.
 Karamògò bè kalanden dò bila ka taa walanga la, ka taa
 filiw latilen : ka siginiden kubaw ni tomiw sigi.

Ladili : Kalandenw kétò ka kumasenw fò, karamògò bè
 sòn a bée ma, hali minw kalansolen don. nka
 minw bè sèbèn walanga kan, o ye kumasenw ye
 minw ma fereke, i n'a fò :
 "n ye fali min ye, a finnen don" ;
 "mògò o mògò mana nin kè, o bè gèn" ;
 o kumasenw ka kan ka kè kuma laban kumasenw
 ye, tomi (.) bè kè ka minw laban sèbènni na.
 Tomi tòw (? , , ni :) sen t'a la yan.

Degeli fòta

Labili :

Karamògò bè kumasen fòlò sèbèn k'a kalan, ka danyè
 bée bila i ta so kònò. Ni min ka kàn ka yèlèma, a b'o fò,
 kalandenw bè kumasen tò dafa.

Fanta : ye : kalanden : ye

Madu : : :

Anw : : :

.... : : mògòw :

.... : : malidew :

.... : : zanabugukaw :

....	:	:	kòsakaw	:
....	:	tè	:	:
....	:	:	tulon	:	kè
....	:	:	kalan	:
....	:	bè	:	:
....	:	ye	:	:
....	:	ma	:	dumuni	:
....	:	ka	:	teli		
mobili	:	:		
fali	:	:		
....	:	man	:		
Ngolo	:	:		
....	:	bè	:	Segu		
....	:	:	Bamakò		
....	:	:	sugu	:	la
jabibi	:	:	:
....	:	:	:	kònò

Baara kète

1. A' ye siginiden kubaw sigi.

kòrò suruku ni kòrò sonsan ye teri ye u bée yaala
 nyògòn fè tuma bée surukuba ye paloma ye sonsannin
 dun ka kegun ale de bée mònè don surukuba la tuma
 bée

2. A' ye tomiw sigi.

bakarijan tun ye cèfarin ye Segu mògò si tun tè se
 a la ale de ye Bilisi faga ale de ye Samanyana Basi
 minè a denkè fana tun ka farin kosèbè o ma si sòrò

3. A' ye siginiden kumbaw ni tomiw sigi.

hadamaden bëe ye kelen ye si man fisa si ye o tuma
môgô kana baga i mògônyôgôm ma nka mògôw ka
nyôgôm bonya den k'a fa bonya dâgônin k'a kôrô
bonya kalanden k'a karamôgô bonya dinyèlatigè
nôgôya bë bô o de la.

4. Aw ka ci kè kumasenw kôrô, ka tòw dafa walasa u fana
ka kè kumasenw ye.

- Fanta ye dumuni kè.
- Mamu ye sôrô.
- Bama bë ji la
- N bë ji
- Taa so
- Somono ye
- Bozo bë se
- Kalanden bëna
- Karamôgô ye sèbènni kè walomba kan.
- Kalanso
- Kalanden bë kalanso
- Karamôgô ye kalanden
- Musa ka walannin filè.
- Fanta ka sèbènni ma nyè

kalansen 2

FOKUMASEN

sôrisira

bansira

Karamôgô bë kalanden dô jira, ka nyininkali kè :

- kar. : - nin ye jôn ye ?
kal. : - Amadu don. / nin ye Amadu ye.
kar. : - Amadu ye karamôgô ye wa ?
kal. : - Amadu tè karamôgô ye.

karamôgô bë kumasesen saba in sèbèn walomba kan

- Nin ye jôn ye ?
- Amadu don. (walima : Nin ye Amadu ye.)
- Amadu tè karamôgô ye.

kar. : - a' ye ninnu lajè. Kumasesen don wa ?

kal. : - ôwô.

kar. : - u bëe sèbèncogo ye kelen ye wa ? A' hakili bë
o don kalansen na ? Kumasesen sèbènnê bë dòn
cogo di ?

kal. : - a bëe daminè ni siginiden kunba ye, ka laban ni
tomi ye.

kar. : - nin saba min sèbènnê filè, o bëe ye kumasesen
ye wa ?

kal. : - ôwô / sayi.

kar. (ni kalanden ko "ayi") : - mun na ?

kal. : - fôlò tè laban ni tomi ye, nka filanan ni sabanan
bè laban n'a ye.

kar. : - o dôrôn de b'u bô nyôgòn na wa ?

kal. : - òwò.

Ni kalanden ko "ayi", karamôgô b'a to a k'o hakilinan-
ta fò, o kò, karamôgô b'a fò :

kar. : - nyininkali de bè kè kumasen fôlò la. Nyininkali
bè kè filanan na wa ?

kal. : - ayi.

kar. : - sabanan dun ?

kal. : - nyininkali tè o fana na.

kar. : - mun bè kè kumasen filanan ni sabanan na ?

kal. : - jaabi de bè di. / Kuma de bè fò.

kar. : - bi an bè na kalan kè fôkumasen de kan. Nyinin-
bè kumasen min na, o tè fôkumasen ye.

Baara bè kè masalabolonin nîn kan (a bè sèbèn numan fè) :

Don dò suruku ni sonsan bennna.

Sogo tun bè sonsan bolo.

Suruku ye sonsan nyininka.

I ye sogo sôrô min ?

Sonsan ma kuma.

Suruku ye sogo bòsi a la.

Sonsan kasira. A taara so.

Barika tè sonsan na.

kar. : - nin bée ye fôkumasen ye wa ?

kal. : - ayi.

kar. : - jumèn tè fôkumasen ye ?

kal. : - "I ye sogo sôrô min ?" tè fôkumasen ye.

kar. : - o tuma an k'o bò a la, ka tòw lajè.

kar. : - sisân, an ka kumasen nînnu lajè :

Suruku ye sonsan nyininka.

Sonsan ma kuma.

U ye kelen ye wa ?

kal. : - ayi.

kar. : - mun b'u bô nyôgòn na ?

kal. : - n'a fôra "suruku ye sonsan nyininka", nyininkali
kèra, n'a fôra "sonsan ma kuma", kuma ma kò.

Kôlôsi : ni kalandenw ma jaabi sôrô, karamôgô
b'a nyêfô u ye.

kar. : - fôkumasen sugu ye fila ye. Dôw b'a jira ko ko
kèra, i n'a fô "suruku ye sonsan nyininka". Dôw
b'a jira ko ko ma kè, i n'a fô "sonsan ma kuma".
An ko "sonsan ma kuma" ye fôkumasen ye, min
b'a jira ko ko ma kè. An k'a cè ka bò yan, k'a
sèbèn kinin fè.

A nyôgòn wèrè bè masalabolo in kònò wa ?

kal. : - òwò.

kar. : - jumèn ?

kal. : - "barika tè sonsan na".

Karamôgô bè o kumasen fana cè, k'a sèbèn kinin fè.

kar. : - sisân, an ka numanfekumasenw yèlèma, walasa
k'a jira ko ko ma kè.

Karamôgô mana kumasen kelen kalan, kalanden dò b'o
yèlèma.

O ko kelen bè tila ka kè kininfekumasenw fana kan.

Degeli fòtaw.

1. Karamògò bè diyagoyalikumasesen (1) dòw fò, kalandenw b'u yèlèma ka kè fòkumasenw ye.

Misali : kar.: - Madu, bò kènè ma.
kal.: - Madu bè bò (wala : bòra) kènè ma.

2. Karamògò bè nyinikalikumasesen (1) dòw fò, kalandenw b'u yèlèma ka kè fòkumasenw ye.

Misali : kar.: - Madu bè mobili boli wa ?
kal.: - Madu bè mobili boli.

3. Karamògò bè kabalikumasesen (1) dòw fò, kalandenw b'u yèlèma ka kè fòkumasenw ye (karamògò b'i janto kabaliku-
masen fòcogo la, ka kaba n'a ye).

Misaliw : 1. kar.: - tile bòra dè.
kal.: - tile bòra.
2. kar.: - è, nin kèra ko ye koyi.
kal.: - nin kèra ko ye.

4. Karamogò bè fòkumasen dòw fò bansira la, kalandenw b'u yèlèma sônsira la.

Misaliw : 1. kar.: - Yogara man jan.
kal.: - Yogara ka jan.
2. kar.: - an tèna nyôgòn gosi.
kal.: - an bèna nyôgòn gosi.

5. Karamògò bè fòkumasen dòw fò sônsira la, kalandenw b'u yèlèma bansira la.

(1) Diyagoyalikumasesen, kabalikumasesen, ani nyininkalikuma-
sen, kalandenw t'olu dòn fòlò, karamògò yèrè de b'u dòn. A
bè kumasen ninnu fò, nka o tè danyè ninnu fò kalandenw ye.

- Misaliw : 1. kar. : - aw ye farajèw ye.
kal. : - anw tè farajèw ye.
2. kar. : - Fanta ye dumuni tobi.
kal. : - Fanta ma dumuni tobi.

Baara kèta

1. Aw bè kumasen dòw dila nin danyè ninnu bè sôrò minw
na : "don", "ye...ye".

Misali : Fali don.
Musa ye gesedala ye.

2. Aw bè kumasen dilalenw yèlèma ka bò sônsira kan k'u
bila bansira kan.

Misali : Fali tè.
Musa tè gesedala ye.

3. Aw bè kumasen dòw dila i n'a fò kumasen in dilalen bè
cogo min :

Misali : Nin jiri ka jan.

4. Aw bòra kumasen minw dila la aw bè olu yèlèma ka bò
sônsira kan k'u bila bansira kan.

5. Aw bè kumasen dòw dila i n'a fò nin kumasen ninnu
dilalen bè cogo min :

Misali : Muso taara.
Muso taara sugu la.

6. Aw ka nin kumasen ninnu yèlèma ka bò bansira kan k'u
bila sônsira kan :

- Môgô ma na.
- Wari tè n bolo.
- Muso ma taa sugu la.
- Muso ma daga sigi ta la.
- An tè dumuni kë joona bi.

kalansen 3

NYININKALIKUMASEN

sônsira

bansira

kar. : - mògô dò bë ka tèmè kènè ma. Ni n ko òw ma :
"Nin ye jòn ye ?"

walima : "Jòn don ?"

walima : "Karisa don wa ?"

walima : "A bë taa mìn ?"

walima : "A' b'a dòn ?"

n ye mun kë ?

kal. : - i ye nyininkali kë.

Karamògô bë segin kumasen ninnu kan, k'u sèbèn waliba kan.

kar. : - jòn bë nyininkali dò k'a tonyògòn dò la ?

Kalandenw bë nyininkali caman kë.

Karamògô bë nyininkaliw sèbèn numan fè, k'u jaabi sèbèn kinin fè. Nyininklikumasenw bë laban ni nyininkalitomi ye (?) .

kar. : - a' ye numanfèkumasenw ni kininfèkumasenw lajè.

Mun b'u bò nyògòn na sèbènni sirà fè ?

kal. : - numanfètaw tè laban ni tomi ye.

20

kar. : - u bè laban ni tomi ye. Nka o tomi fôgô ye nyininkalitomi. Sèbènni na, nyininkali bè bè laban ni nyininkalitomi ye.

Kôlôsi : Ni kalanden ko numanfekumasenw bè laban ni tomi ye, karamôgô b'u nyininka ni o tomi ni kalansen filanan tomi (.) (walima fôkumasen) ye kelen ye.

U b'a dôn o la k'a fô tomi suguya kelen tè.

kar. : - sisân a' ye kumasen ninnu lamèn :

Mamadu bè yan.

Mamadu bè yan ?

U kôrô ye kelen ye wa ?

kal. : - ayî.

kar. : - mun na ?

kal. : - fôlô la i ko Mamadu bè yan. Filanan na, i ye nyininkali kë ni Mamadu bè yan.

kar. : - jòn bè na kumasen fila in sèbèn ?

Kalanden min bè u sèbèn, o ka kan ka (.) kë ka fôlô laban, ka (?) kë ka filanan laban.

kar. : - a' ye kumasen ninnu lamèn lugun :

Mamadu bè yan.

Mamadu bè yan ?

U fôcogo ye kelen ye wa ?

kal. : - ayî.

kar. : - mun b'u bô nyôgôna ?

kal. : - n'i bè nyininkali kë, i b'i kan kôrôta kumasen laban na.

Kôlôsi : Ni kalanden ma jaabi in sôrô, karamôgô b'u fô.

kar. : - sisân, ne bè na kumasen dôw fô fila-fila. nyininkali bè min na u fila la, a' b'o fô n ye.

Adama nana.

Adama nana ?

Sukaro ka di ?

Sukaro ka di,

Môgô tè.

Môgô tè ?

Bèe bè yan.

Bèe bè yan ?

A ye dumuni kë ?

A ye dumuni kë.

kar. : - sisân, an ka a' yèrè ka nyininkalikumasenw kalan, k'u lamèn.

Karamôgô bè kumasenw kalan kelen-kelen, ka nyininkali ninnu kë :

kar. : - mun b'a jira k'a fô nyininkali don ? danyè jumèn b'o jira ?

Kalanden bè danyè fô, karamôgô bè ci kë a ju kôrô.

kar. : - a' y'a sèbènnê lajè. Mun b'a jira k'a fô nyininkali don ?

kal. : - nyininkalidanyè ni nyininkalitomi.

kar. : - sisân a' ye kumasen ninnu lajè. Nyininkalidanyew sigilen bè yôrô jumèn na ?

Karamôgô bè kumasenw kalan kelen-kelen, kalandenw bè danyèw sigiyôrô fô.

kar. : - a' y'a ye, nyininkalidanyè dôw bè kumasen da minè na, dôw b'a cèmancè la, dôw b'a laban no fana.

Baara këta

A. Aw bë tomi sigi kumasenw laban na, tomigansan wala nyininkalitomi :

1. Muso y'a den nyininka : I tun taara min N tun taara tulon kè Yôrô jumèn N terikè bara
2. Fanta nana wa Ayi a ma na A dôgôkè dun O. nana
3. Jôn don Ne don Jôn Ne Bilali Jamu duman Jara I Jara
4. Mun këra Filen de binna Kori a ma ci
5. Madu i ni sôgôma Nba, Musa i ka kënè N bë hèrè la Somôgôw bë di

B. Aw ka nin nyininkalidanyè ninnu bila kumasen dòw la : tari, walima : yala, mun na.
Misali : A nyininka yala Fanta nana.

C. Aw ka nyininkalikumasesen ninnu bô sônsira kan k'u bila bansira kan :

- A ye mangoro san wa ?
- Jônî ye dô sôrô ?
- Môgô joli taara ?
- Saga jumèn fagara ?
- Mangoro sôrôla wa ?

D. Aw ka nyininkalikumasesen dila nin fôkumasesen ninnu jaobi ye :

- A ye mangoro tan de san.

- Fanta de taara :
- Ayi a ma segin fôlô.
- Ne taara katugu a ye n wele.
- N taara sugu la.
- A ye fini jèman de san.
- N taara mobili de la.

Degeli fôta

1. Karamôgô bë fôkumasesen dòw fô sônsira ni bansira la. Kalanden fôlô bë nyininkalikumasesen fô, wa bë min na. Kalanden filanan bë nyininkalikumasesen fô, wa tè min na. Kalanden sabanan bë nyininkalikumasesen fô, dè bë min na. Kalanden naaninan bë dô fô, a fô bë min na. Duurunan bë dô fô, kôri bë min na.

- Misali : kar. : - Madu nana.
kal. 1 : - Madu nana wa ?
kal. 2 : - Madu nana ?
kal. 3 : - Madu nana dè ?
kal. 4 : - A fô Madu nana ?
kal. 5 : - Kôri Madu nana ?

2. Karamôgô bë fôkumasesen dô fô, kalandenw b'a yèlèma ka kè nyininkalikumasesen ye, jôn (wala jônî), wala mun bë min na (kumasenw ka kè sônsira la wala bansira).

- Misaliw : 1. kar. : - Madu bë da la.
kal. : - Jôn (jônî) bë da la ?
2. kar. : - Malo bë sugu la.
kal. : - Mun bë sugu la ?

24

3. Karamògò bè fòkumasen dò fò dò bè minw na, kalandenw b'u yèlèma ka kè nyininkalikumasenw ye, jumèn bè minnu na.

Misali : 1. kar. : - Polisiw ye nson dò minè kunun.
kal. : - Polisiw ye nson jumèn minè kunun ?

2. kar. : - Madu taara yòrò dò la.
kal. : - Madu taara yòrò jumèn ?

4. Karamògò bè fòkumasen dò fò (sònsira ni bansira la), minnu ye kumasen kòbilamaw ye, kalandenw b'u yèlèma ka kè nyininkalikumasenw ye, min (mini) bè minnu na.

Misali : 1. kar. : - Malo caman bè sugu la.
kal. : - Malo caman bè min ?

2. kar. : - Alima taara dugu kònò.
kal. : - Alima taara min ?

5. Karamògò bè fòkumasen dò fò, jateda bè min na, kalandenw b'a yèlèma ka kè nyininkalikumasen ye.

Misali : kar. : - Taafe sòngò ye ba kelèn ye.
kal. : - Taafe sòngò ye joli ye ?

6. Karamògò bè fòkumasen dò fò wala bè min cèmancè la, kalandenw b'a yèlèma ka kè nyininkalikumasen ye, tari bè min na.

Misali : kar. : - An bè kalan kè wala an bè tulon kè.
kal. : - An bè kalan kè tari an bè tulon kè ?

7. Karamògò bè fòkumasen dò fò, ko bè min cèmancè la, kalandenw b'a yèlèma ka kè nyininkali ye.

Misali : kar. : - Madu ko a tè na.
kal. : - Madu ko di ?

8. Karamògò bè nyininkalikumasen dò fò wà bè min na, kalandenw b'a yèlèma ka yala don a la.

Misali : kar. : - A' ye jate kè wa ?
kal. : - Karamògò ko yala an ye jate kè wa ?

9. Karamògò bè tògò fila fò ka iugulan ni bila u ni nyò-gòn cè, ka kumasen da o kan, min kulu fòlò ye tògò nin-nu dò la kelen ye, kalanden bè nyininkali kè tògò dò in na, ni dun nyininkalidanyè ye.

Misali : kar. : - Madu ni Fanta. Fanta ma na bi.
kal. : - Madu dun ?

kalansen 4

KABALIKUMASEN

DIYAGOYALIKUMASEN

sônsira

bansira

Masalabolo : (a bë sèbèn walanba kan).

Cè : - Mangoro ye joli-joli ye ?

Muso : - Saba mugan

Cè : - E. Muso o wala. O ka gèlèn dè.
(Cè b'i kò don).

Muso : - Kana taa sa. Na. N'b'a nya ka d'i ma.

Cè : - Fo ten dè.

Muso : - I bë jolila san ?

Cè : - Muganna.

Muso : - Hèn. O dòròn ? E tègè ka gèlèn koyi.

Cè : - Ayi sa.

Muso : - Wari di.

(Cè bë wari di, ka mangoro ta).

Muso : - I ni ce.

(Cè bë taa).

Muso : - A' ye na mangoro san.

Karamògò bë masalabolo in kalan, ka tila ka kalanden
fila sugandi : kelen bë muso ka kumaw fò, kelen bë cè
taw fò.

kar. : - A' ye kumasen lamèn kelen-kelen k'u sifaya fò.

ni kalandenw ma kumasen minw sifaya sòrò, pan
bè kë olu kan, se bë na kë u ma kosa fè.kar. : - karisa, n'e b'a fè i tonyògòn dò ka bò kalanso
kònò, i bë kuma a fè cogo di ?

kal. : - n'b'a fò : "karisa, bò kalanso kònò".

kar. : - n'u mògò caman dun ?

kal. : - n'b'a fò : "a' ye bò kalandso kònò".

kar. : - karisa, a fò i siginyògòn ka wuli.

kal. : - karisa, wuli.

kar. : - kuma a fè k'a sòrò i m'di tògò fò.

kal. : - wuli.

kar. : - karisa, n'i t'a fè karisa ka kuma i bë mun fò a
ye ?

kal. : - karisa, kana kuma.

kar. : - n'a ni mògò wèrèw don dun ?

kal. : - (karisa ni karisa), a' kana kuma.

Karamògò bë kalandenw bila ka diyagoyalikumesen ca-
man dila, sônsira ni bansira kan. O kò :

kar. : - a' ye kumasen minw fò, olu bëe ye diyagoyal-
ikumesen de ye. O nyògònna jumèn bë an ka
masalabolo in kònò ? An k'a latòmò.

Kalandenw bë diyagoyalikumesenw latòmò.

kar. : - sèbènni na, diyagoyalikumesen bë dòn cogo di ?

kal. : - a bë daminè ni signiden kunba ye, ka laban ni
() ye.

kar. : - o tomi tògò ye kabalitomi.

Karamògò bë kumasen kalandenw bëe jòsi k'a tò to

kalanbaliw ye (kabalikumasenw); u filè :

E. Muso o wala .

O ka gèlèn dè .

Fo ten dè .

Hèn .

E tègè ka gèlèn koyi .

Ayi sa .

kar. : - a' ye kumasen ninnu lamèn :

O ka gèlèn .

O ka gèlèn dè .

Mun b'u bò nyògòn na ?

kal. : - "dè" de b'u bò nyògòn na .

kar. : - E tègè ka gèlèn .

E tègè ka gèlèn koyi .

Mun b'u bò nyògòn na ?

kal. : - "koyi" de b'u bò nyògòn na .

kar. : - mògò b'i ka kumasen laban ni, "dè" walima "koyi" n'u nyògònna ye tuma jumèn ?

kal. : - i b'o kè n'i b'a fè ka kaba ko dò la, walima fèn dò, walima mògò dò.

Kòldsi : Ni kalandenw ma jaabi in sòrò, karamògò b'a fò u ye .

kar. : - kumasen minw filè walanba kán, a' ye kabalida- nyèw latòmò u. kònò, "dè", ani "koyi" n'u nyògònna .

O kò fè :

kar. : - kumasen ninnu ye kabalikumasenw de ye . U bè cogo di sèbènni na ?

kal. : - u bè daminè ni siginiden kunba ye, ka laban ni kabalitomi ye .

Degeli fòtaw

1. Karamògò bè kabalidanyè ninnu sèbèn walanba kan :

- kè - dèrè - dè - koyi - wala - kònò
- sa - yèrè (karamògò b'i sinsi o fôcogo kan k'te danfara ka bò "yèrè" min bè sòrò ne yèrè ta don kònò, la, n'o bè kumasen cèmancè ta).

Karamògò bè nyininkalikumasen dò fò, kalandenw b'o jaabi ni kabalikumasenw ye, walanba kan, danyè ninnu bè minnu na (karamògò b'u jira-jira) :

Misali : kar. : - Madu nana wa ?

kal. 1 : - A nana kè .

kal. 2 : - A nana dèrè .

kal. 3 : - A nana dè .

kal. 4 : - A nana koyi .

kal. 5 : - A nana wala .

kal. 6 : - A nana kònò .

kal. 7 : - A nana sa .

kal. 8 : - A nana yèrè .

2. Karamògò bè fòkumasen dò fò bansira la, ni kumafò-nòna ye . Kalanden fòlò b'a yèlèma ka kè diyagoyakumasen gansan ye, filanan bè kè fara a kan, sabanan bè dè fara a kan, naaninan bè wala fara a kan, duurunan bè sa fara a kan (karamògò b'o kabalidanyèw jira-jira) an'a tòw .

Misali : kar. : - N tè kuma .

kal. 1 : - Kuma .

kal. 2 : - Kuma kè .

kal. 3 : - Kuma dèrè .

kal. 4 : - Kuma dè .

kal. 5 : - Kuma koyi .

- kal. 6 : - Kuma wala.
- kal. 7 : - Kuma kôni.
- kal. 8 : - Kuma sa.
- kal. 9 : - Kuma yèrè.

Baara kèta

1. Fanta walasi . E bë yan hali bi ? Taa kalanyôrô la .
Taa dë . N'i ma tau, i fa b'i bugô koyi . I ka walannin ta . A minè kè . Taa sa . N b'i deli .

- a. Aw bë koori kè kabalidanyèw la .
- b. Aw bë ci kè kabalikumasenw kôrô .
- c. Kumasesen minw bë se ka yèlèma ka bò sônsira kan ka bila bansira kan aw bë olu yèlèma .

2. Aw bë nin kabalidanyè ninnu bila kumasesen dòw kônò :
wè, kôni, yèrè, dèrè.

Misali : A ka di yèrè .

Kôlôsili : yèrè min ko don o bë sôrô kumasesen laban de la, ani nin tè kelen ye : Madu yèrè de nana .

3. Yèrè min yé kabalidanyè ye, aw bë ci kè o kôrô :
- A nana yèrè .
 - A yèrè ye baara k'an fè yan .
 - Den ma kasi
 - A kasira yèrè . A tun bë ne yèrè de bolo .
 - Fanta ma ye yèrè, a bë dugubayaala la .

4. A' y'a fò : 1. min bë nin kumasesen ninnu bò nyôgòn na .
2. kumasesen sugu minw don .

- Baba nana .
- Baba nana .
- N ye mobili sôrô .
- N ye mobili sôrô .
- I tè taa an nô fè .
- N bë taa .

5. Karamôgô ko kalandenw ye :

- A' yaw sigi .
Fanta, kalan daminè . I jô . Segin a kan .
A bëe k'a fò nyôgòn fè .
A' y'aw ka walanninw ta .
- a. Kumasesen sugu jumèn ka ca nin masalabolo la ?
- b. Mun b'u ni diyagoyalikumasenw bò nyôgòn na ?
- c. A' y'u yèlèma ka bò sônsira kan k'u bila bansira kan .

6. Aw ka nin kumasesen ninnu dafa ni kabalidanyè ninnu ye : dë, sa, dèrè, e, koyi .

.... Fanta . I tè na, i den wulila Kan'a kelen dalen to yen moggò si t'a kérè fè . E fana, i tulô ka gélén Taa den ta

kalansen 5

KUMASEN N'A KULUW

kar. : - mun ye kumasen ya ?

kal. : - kuma dafalen don.

kar. : - "Baba ka fali finman bë boli kosèbè", o ye kumaser ye wa ?

kal. : - òwò, o ye kumasen ye.

kar. : - kumasen sugu jumèn don ?

kal. : - fôkumasen don.

Karamògò bë kumasen in sèbèn walanba kan.

kar. : - an k'a lajè n'an bë se ka danyè dòw jòsi ka bò a la, k'a sòrò a ma bò kumasenya la, wa a ma bò fôkumasenya fana na. Jòn bë na danyèw jòsili daminè walanba la ?

Kalanden dò bë taa walanba la, ka danyèw jòsi kelen-kelen.

Kòlòsi : 1. Danyèw bë jòsi nyògàn nyè. I n'a fò "ka" tè se ka jòsi "Baba" nyè, "fali" tè se ka jòsi "finman" nyè.

2. Danyè bëe bë se ka jòsi fo : "fali bë boli".

kar. : - an ka kumasen tò filè : "fali bë boli".
"fali" bë se ka bò o la wa ?

kal. : - ayi.

kar. : - "boli" bë se ka bò a la wa ?
kal. : - ayi.

kar. : - "bè" bë se ka bò a la wa ?
kal. : - ayi / òwò.

kar. : (ni kalanden ko : òwò) - kumasen bë kè fôkumasen ye o la ?

kal. : - ayi.

kar. : - o tuma, komin an bë baara këla fôkumasen de kan, "bè" tè se ka bò a la.
Sisan, an k'a lajè fèn mìn bë se ka bila "fali" nò na.

Kalandenw bë danyèw fò : wulujan, misi, mógo, ne yèrè.....

kar. : - an k'a lajè danyè minw bë se ka bila "bè boli" nò na.

Kalandenw bë danyèw fò : bèna boli, don, tun bèna boli, ka bon,

Karamògò bë "fali" ni "bè boli" danfara tan :

fali	:	bè boli
misi	:	don
mógo	:	tun bèna boli
ne yèrè	:	ka bon
.....

kar. : - "fali" sigiyòrò kumasen kònò, a bë fò o ma ko kulu fòlò. "fali", walima "ne yèrè", o ye kumasen kulu fòlò ye.

"bè boli", "don", "tun bèna boli", olu bë kulu fila kònò.

"fali bë boli", kulu fila bë o kumasen kònò cogo

min, kulu fila fè fòkumasen bée kònò o cogo la.
Kunnaconi bè ka di min kan, o bè kulu fòlò kònò.
Kunnaconi yèrè, o bè kulu filanan kònò.

Karamògò bè fòkumasen dama-dama sèbèn, ka kulu fila danfara u la ka jíra kalandenw na. I n'a fò :

fali	:	filè
misi	:	ka bon
Adama	:	bè baara kè
bè	:	nana

kar. : - an ka jè ka fòkumasen dòw dila. Ne bè kulu fòlò fò, aw b'o dafa ni kulu filanan ye.

kar. : - san..

kal. : - bè ka na / nana/ finnen don / jòra / ...

kar. : - mun...

kal. : - don / kèra / y'a sòrô / ...

Karamògò bè kalandenw bila u ka nyôgôñ dèmè ka kumaserenw dila o cogo la.

Ladili : Ni kalanden fòlò y'a ka kuma daminè nî danyè(w) ye, minw bè se ka kè kumaseren daminè na, walima a laban, karamògò b'a jíra k'a fò o danyè(w) bè kulu filanan de fè.

I n'a fò : kunun n taara foro la
n taara foro la kunun

"kunun" bè kulu filanan de fè, hali n'a bè se ka sigi kumaseren daminè na.

O danyè (danyèkulu) dòw filè :
bi, kunun, kunasini,
sisan, sòoni, sògomà, wula fè.

Degeli fòtaw

1. Karamògò bè kumasen dò fò, min kulu fòlò n'a kulu filanan bée ka jan, kalandenw bè danyèw kelen-kelen bò a la fo k'a tò to danyèw ye, kumasen tè se ka nyè minw kò fewu. A k'i jíja kumasen suguya bée ka kè a la (mankutu bè min kulu filanan na, kòbiia bè min na, wala wale bè min na). Kelenkelenbòli bè kulu fòlò de kun kan,

Misali :

kar : - An karamògò Sidibe ka nyò falenna kosèbè nyinan.

kal. 1 : - Karamògò Sidibe ka nyò falenna kosèbè nyinan.

kal. 2 : - Sidibe ka nyò falenna kosèbè nyinan.

kal. 3 : - Nyò falenna kosèbè nyinan.

kal. 4 : - Nyò falenna kosèbè.

kal. 5 : - Nyò falenna.

2. Karamògò bè kumasen dò fò, min kulu fòlò n'a kulu filanan bée ye danyè kelen-kelen ye, wala fila, kalandenw b'a kumasen janya nî danyè kelen-kelen farali ye kuluw kan, k'a daminè kulu fòlò la.

Misali :

kar. : - Nyò bè feere.

kal. 1 : - Nyò nyuman bè feere.

kal. 2 : - Nyò nyuman kisè kunba bè feere.

kal. 3 : - Segu nyò nyuman kisè kunba bè feere.

kal. 4 : - Segu nyò nyuman kisè kunba bè feere Bamakò.

kal. 5 : - Segu nyò nyuman kisè kunba bè feere Bamakò sugu la.

kal. 6 : - Segu nyò nyuman kisè kunba bè feere Bamakò sugu kura la.

kal. 7 : - Segu nyô nyuman kisè kunba bë feere Bamakô
sugu kura la sini.

Kòlòsili : Kalandenw mana danyè o danyè sòrô n'o bë
bèn, karamògò ka sòn o ma. Nin kò a bë se
ka hali degeli kun fòlò daminè kalandenw
na.

Baara/kèta

1. Aw ka kumasenw kulu fòlò n'u kulu filan danfara
jira :

- Gesedala ye fini nyuman da;
- Fini nyègènyègènma de ka dién ye.
- Finimugu santa bë sugu la
- Fini sugu caman bë finifeerela bolo
- Fini jèman bë n fè.
- N bë fini bilenman de san.

2. Danyè minw wajibiyalen tè kumasen ninnu na, aw ka
ci kè olu kan :

- Denmisèn salabaatò tè baara nyuman kè.
- Denmisènnin baarakèlabà de ko ka di mögò caman ye.
- Denmisèn karatò ka ko man di.
- Denmisèn nyèmajòlen ka kow sabatilen don.

3. Aw ka nin danyè ninnu jiidi k'u kè kulu ye :

- sogo....
- mögò....
- namasa....

Misali : sogo jirannen....

4. Aw ka nin danyè ninnu jiidi k'u kè kulu ye :

- taara....
- nana....
- ye sogo tigè...

5. Aw ka kumasen ninnu jiidi ni danyèkuluw ye :

- Musa ye saga san
- muso nana sâgòma .

kalanseñ 6

TÒ GÒ

Karamògò bè kumasen ninnu sèbèn walanba kan :

- Kalanden nyuman si tè kènè ma.
- N ka dugu donso bée la tègèduman ye sama faga.
- Amadu muso Fanta ka nyi.
- An ka dugu n'a lamini denmisènw ye dabanjana ye.

Karamògò bè kumasenw kalan kelen-kelen.

Kalanden damadò bè kumasenw kalan kelen-kelen.

kar. : - a' ye kulu fila danfara kumasenw na.

kulu fòlò	:	kulu filan
	:	
	:	

kar. : - a' ye kulu filaw lajè kelen-kelen. Danyè minw bè se ka jòsi, a' ye olu jòsi ka bò u la.

Kòlòsili : kulu fòlòw tò bè to .

- kalanden
- donso
- Fanta
- denmisènw

kar. : - danyè minw tolen filè, olu de ye kulukuntigw

ye, bari u tè se ka jòsi.

kar. : - sisam, komin bi kalan bè kulu fòlòw de kan, an bè se ka kulu filanaw jòsi.

kulu fòlò	:	
	:	
	:	

kar. : - min bè kulu fòlò kònò, o de ye tògò ye

kalanden)	
donso)	ye tògò ye
Fanta)	
denmisènw)	

kar. : - a' ye tògò dòw fò.

Kalandenw bè tògò caman fò, karamògò b'u sèbèn kérè fè, walanba kan.

kar. : - an ka tògò ninnu lajè : kalanden, donso, Fanta, denmisèn.

Kalandenw bè se k'a fò :

- Fanta bè daminè ni siginiden kunba ye.
- tògò bée ye danyè kelen ye sèbènni na.
- "w" kelen bè ka denmisèn laban.

Kòlòsili : Ni kalandenw ma fèn fò, karamògò bè se ka nyininkali kè k'u bila sira kan. O kò fè :

kar. : - a' ye kumasen fila in lamèn :

1. Kalanden tè kènè ma.
2. Kalanden tè kènè ma.

40

Kôlôsi : Karamôgô ka kan ka "kalanden" kalan ni pereperelatigèlikanhakè ye kumasesen (1) kônò. Môgôtôgô bê se ka bila "kalanden" nò na o kumasesen kônò. Kumasesen (2) "kalanden" pereperelatigèlen tè.. Môgôtôgô tè se ka bila a nò na.

kar. : - kumasesen fila nin fôcogo ye kelen ye wa ?

kal. : - ayi.

kar. : - u kôrô ye kelen ye wa ?

kal. : - ayi.

kar. : - a' ye u kôrô danfarâ.

Kôlôsili : Ni kalandenw ma se, karamôgô b'a fô u ye : kumasesen (1) tôgô pereperelatigèlen don. filanen ta pereperelatigèlen tè.

Karamôgô bê misali wèrew di : (1) pereperelatigèlen don. (2) pereperelatigèlen tè :

(1) muso tè.

den tè.

wari ma ye.

ko kera.

....

(2) muso tè.

den tè.

wari ma ye.

ko kera.

....

Karamôgô bê kumasesen fila in sèbèn :

1. Kalanden tè kénè ma.

2. Kalanden tè kénè ma.

kar. : - a' ye kumasesenw lajè. Fèn b'u bò nyôgòn na sèbèn ni na wa ?

kal. : - ayi. Fosi t'u bò nyôgòn na.

kar. : - tinyè don. Fôcogo la, u danfaralen don, nka

sèbèncogo la, u bêye kelen ye.

kar. : - sisân, a' ye tôgô fila in lamèn :

1. donso.

2. Fanta.

Fanta ye tôgô sugu jumèn ye ?

kal. : - môgôtôgô don.

kar. : - Fanta ye tôgôjè de ye. Ni nyininkali kèra ko "a tôgô ye di ?", jaabi fèn o fèn bê di, tôgô fèn o fèn bê fô jaabi ye, o bêye tôgôjè ye.

Misaliw : 1. Jamana in tôgô ye di ?

- A tôgô ye Mali.

2. I terikè tôgô ye di ?

- A tôgô ye Isa.

3. Ba nin tôgô ye di ?

- A tôgô ye Joliba.

kar. : - a' ye tôgôjè dòw fô.

kar. : - donso ye tôgô sugu jumèn ye ? tôgôjè don wa ?

kal. : - ayi.

kar. : - tôgô sugu jumèn don ?

kal. : - forobatôgô don.

Kôlôsi : Ni kalandenw ma jaabi in sòrô, karamôgô b'a di u ma.

kar. : - a' ye forobatôgô dòw fô.

kar. : - forobatôgô ni tôgôjè fila sèbènnê filè :
donso / Fanta

A' bê mun kôlôsi ?

kal. : - forobatôgô bê daminè ni siginiden fitinin ye.

Tògòjè bè daminè ni signiden kunba ye.

kar. : - sisan a' ye tògò fila in lamèn, k'u sèbènnen lojè :

1. denmisèn

2. denmisènw

Danfarà jumèn b'u cè fôcogo la ?

kal. : - "denmisènw" bè laban ni "w" ye.

kar. : - sèbèncogo la dun ?

kal. : - denmisèn kelen bè laban ni "w" ye fana.

kar. : - o "w" nin bè mun jira ?

kal. : - a bè caya jira.

kar. : - o tuma, ni "-w" bè tògò laban na, a bè caya de jira.

kar. : - sisan a' ye tògòjèw ni forobatògòw woloma a' ka tògò fôlenw na, minw sèbènnen filè walanda kan.

Degeli fôta w

1. Pereperelatigèlen / pereperelatigèbali

a. Karamògò bè kumasen dò fò, min kulu fôlò ye tògò pereperelatigèlen ye, kalanden fôlò b'o kumasen kelen fò, k'a kulu fôlò kè tògò pereperelatigèbali ye, ka foyi fara a kan. Kalanden filanan b'a kulu fôlò kè tògò pereperelatigèbaliganan ye.

Misali : kar. : - Kalanden tè kènè ma.

kal. 1 : - Kalanden foyi tè kènè ma.

kal. 2 : - Kalanden tè kènè ma.

Kòlòsili : Karamògò b'i janto pereperelatigèlen ni pereperelatigèbali fôrò kanhakè la. Ni kalandenw m'a fô ka nyè a b'a latilen.

b. Karamògò bè a degeli kelen in ta k'a yèlèma a kun jugu kan :

Misali : kar. : - Kalanden tè kènè ma (pereperelatigèbali).

kal. 1 : - Kalanden foyi tè kènè ma.

kal. 2 : - Kalanden tè kènè ma (pereperelatigèlen).

c. Karamògò bè so fila dìla : pereperelatigèlenw ka so ni pereperelatigèbaliw ka so, walanga kan ; kalandenw b'a kè u ka walang kan :

pereperelatigèlen : pereperelatigèbali

A bè kumasen dòw fò, ni min kulu fôlò tògò pereperelatigèlen don, a b'a nyini kalandenw ka taamasiyèn bila o so kònò u ka walang kan, k'a kòròta.

2. Kelenya / caya

a. Karamògò bè kumasen dò fò, min kulu fôlò bè kelenya la, kalandenw b'a bila caya la.

Misali : kar. : - donso ye sama faga.
kal. : - dossow ye sama faga.

b. O degeli kelen bè se ka kè a kun jugu kan.

Misali : kar. : - donsow ye sama faga,
kal. : - donso ye sama faga.

c. Karamògò bè tògò caman ta kulu fòlò la ka kumasen kelen dila. Kalandenw b'u yèlèma ka kè tògò kelen ye caya la.

Misali : kar. : - Madu ni Fanta ni Ali ye kalan-
den ye, u ye sèbènni kè.
kal. : - kalandenw ye sèbènni kè.

3. Tôgđiјे / forobatôgô

a. Karamôgô bê mögô dôw jira, a b'a nyini kalandenw
fè u k'u tâgôjè fô, an'u forobatâgô.

Misali : kar. : (bè Amadu jira) - nin tògòjè ?
 kal.1 : - Amadu.
 kar. : - a foroba tògò ?
 kal.2 : - kalanden.

b. Karamôgô bë kumasesen dô fô, min kulu fôlô tögô ye
tögôjë ye, kalandenw b'a yèlèma ka kè forobatögô
ye.

Misali : kar. : - Madu ye jate sôrô.
kal. : - kalanden ye jate sôrô.
(Tôgôdjè dôw filè : Mali, Segu, Sunjata, Daa Mônzôn..)

Badrakēta

1. Aw bë tògò damadòw bila tògò fòlòw nò la nin kumasen pinnu kònò :

Misaliw 3

- a. misi don b. koli dabðra c. jita turna sera
 ba don furali " nyôfigè " "

- | | | | |
|----|-------|------|------|
| c. | jita | tuma | serc |
| | • • • | II | II |
| | • • • | II | II |
| | • • • | II | II |
| | • • • | II | II |
| | • • • | II | II |

2. a. Aw ka tògòw ni tògòkuluw bò kelenya sira kan k'u
bila caya sira kan.

Misaliw : misi bē wērē kōnō --- misiw bē wērē kōnō.
misi belebele taara kungo kōnō --- misi be-
lebelew taara kungo kōnō.

- misigènna ye misi bìri.

- bin kura falenna.
- banikònò nana.
- sènèkèla gana ye fordò bò.
- cikèla ye danni daminè.
- sènèfèn nyèna kosèbè.

b. Aw bè caya taamasiyèn kè danyèw ni danyèkuluw

la :

- muso taara.
- muso caman tun bè yen.
- muso dò tun bè yen.
- cè si tun tè yen.
- cè finman belebele dò tèmèna.
- denmisèn tun bè tulon kè.

3. Nin tògò ninnu dilalen bè cogo min, aw bè tògò
wèrèw dila ten :

nègeso jelimuso misidaba

kalansen 7

NÒNABILA

Karamògò bè kumasen ninnu sèbèn walanba kan :

- a. Kalanden ye kitabu ta. Kalanden ye kalan kè.
- b. Fanta ma konnègè ye. Fanta ma da sôgò.
- c. Amadù na shè minè. Amadù na shè faga.
- d. Denmisènw ka ca yan. Denmisènw bè tulon kè nyôgòn fè.

kar. : - an ka kumasen ninnu lajè fila-fila. A' bè mun kòlòsi ?

kal. : - danyè kelen bè sòrò kumasen fila kònò.

kar. : - a' ye o danyèw jira.

kal. : - a. kalanden

b. Fanta

c. Amadù, shè

d. denmisènw

kar. : - n'an ye a. kumasenw ta, danyè jumèn bè se ka bila kalanden nò na, k'a sòrò kumasen kòrò ma yèlèma ?

kal. : - "a" bè se ka bila a nò na.

kar. : - kumasenw kajan.

kal. : - Kalanden ye kitabu ta. A ye kalan kè.

kar. : - jòn bè o yèlèmali nyôgòn kè b. kumasenw na ?

kal. dò : - Fanta ma konnègè ye. A ma da sôgò.

kar. : - dò ka c. kumasenw ta kè.

kal. : - Amadu na shè minè. A na a faga.
 kar. : - dò ka yèlémali kè d. kumasenw kònò.
 kal. : - Denmisènw ka ca yan. u bè tulon kè nyôgòn fè.

Karamògò bè ci kè "a" ninnu ni "u" ju kôrô.

kar. : - a. ni b. ni c. kumasenw na, an ye "a" sèbèn,
 nka d. la, an ye "u" sèbèn. Mun na ?

kar. : - caya bè "denmisènw" na.

kar. : - "a" bè bila mògò jumèn nò na ? Min bè ka kuma wa, kuma bè kèla min fè wa, tari kuma bè kèla mògò min kan ?

kal. : - kuma bè kèla mògò min kan, "a" bè o de nò na.

kar. : - "u" dun ?

kal. : - o fana bè o cogo la.

kar. : - o tuma "a" ni "u", a bè fò olu ma ko kumakan-nònaw. Kuma bè kèla mògò minw kan, u bè bila olu de nò na. "a" ye kelenya kumakannòna ye, "u" ye caya kuma nnòna ye.

kar. : - sisani, an k'a lajè. Kalanden bè min kè, walima Fanta bè min kè, walima Amadu bè min kè, ne yèrè bè se k'o kè. N b'o fò cogo di ? N b'a fò :

- a. N ye kitabu ta. N ye kalan kè.
- b. N ma konnègè ye. N ma da sògò.
- c. N na shè minè. N n'a faga.

Karamògò bè kumasen ninnu sèbèn, ka ci kè N ju kôrô.

kar. : - a bè fò "n" ma ko kumafònòna, bari mògò min bè kuma fò, a bè o tigi de jira.

kar. : - sisani, ninnu (kalanden, Fanta, Amadu) bè min kè, aw ni ne bè se k'o kè. O bè fò cogo di ?

kal. : - a. An ye kitabu ta. An ye kalan kè.
 b. An ma konnègè ye. An ma da sògò.
 c. An na shè minè. An n'a faga.

Karamògò bè kumasenw sèbèn, ka ci kè an ju kôrô.

kar. : - "an" fana ye kumafònòna de ye. Caya kumafònòna don.

kar. : - sisani, kalanden ni Fanta ni Amadu bè min kè, Isa bè se k'o kè. Jènèba, e b'o fò Isa ye cogo di ?

kal. : - a. I ye kitabu ta. I ye kalan kè.
 b. I ma konnègè ye. I ma da sògò.
 c. I na shè minè. I n'a faga.

Karamògò bè kumasenw sèbèn, ka ci kè i ju kôrô.

kar. : - ni mògò bè kuma, i b'a fò jòn ma "i" ?

kal. : - i bè kumanà mògò min fè, i b'a fò o de ma "i".

kar. : - o tuma "i" ye kumanfènòna de ye. Kuma bè ka kè mògò min fè, a bè o tigi de jira.

kar. : - sisani, Sidiki ni Awa bè se ka ninnu ka walew kè. Korotumu, e b'o fò Sidiki ni Awa ye cogo di ?

kal. : - a. A' bè kitabu ta. A' bè kalan kè.
 b. A' ma konnègè ye. A' ma da sògò.
 c. A' na shè minè. A n'a faga.

Karamògò bè ci kè a' ju kôrô.

kar. : - "a'" bè jòn jira ?

kal. : - kuma bè kèla mògò minw fè, "a'" bè olu de jira.

kar. : - kuma bë këla mògò kelen de fè wa, mògò caman ?

kal. : - kuma bë këla mògò caman de fè.

kar. : - o tuma "a'" ye saya kumanfènòna de ye.

Karamògò bë kalanden dô ka fèn ta, ka nyininkali kè
kalanden na :

kar. : - nin ye jòn ta, ye ?

kal. : - ne ta don.

Karamògò bë "ne ta don", sèbèn walimba kan, walima
ne ka kitabu don".

kar. : - karisa, karisa nyininka n'a ta, ye fèn nin ye.

kal. : - karisq, e fa ye fèn nin, ye wa ?

Karamògò bë "e fa ye fèn nin ye wa ?" sèbèn kumasen
fòlò ju kòrò.

Karamògò bë kalanden dô ka kitabu ta, k'a fò ?

kar. : - nin ye jòn ka kitabu ye ?

kal. : - karisa ta don.

kar. : - karisa ta don ?

kal. : - òwò, ale ta don.

Karamògò bë "ale ta don", walima "ale ka kitabu don"
sèbèn.

kar. : - an bë jòn ka kalanso kònò ?

kal. : - an bë anw ka kalanso kònò.

kar. : - jòn ka kalanso don ?

kal. : - anw ka kalanso don.

Karamògò b'a sèbèn : "anw ka kalanso don".

kar. : - Isa, i ka kitabu jira Sidiki ni Awa la, i k'u nyi-
ninka u ta bë min ?

kal. : - ne ka kitabu filè, aw ka kitabu bë min ?

Karamògò bë "aw ka kitabu bë min ?" sèbèn.

kar. : - Isa, e ka kitabu b'i bolo. Sidiki ni Awa dun ?

kal. : - olu ka kitabu b'u bolo.

Karamògò bë o kumasen sèbèn.

Karamògò bë ci kè ne, e, ale, anw, aw, olu ju kòrò
kumasen ninnu kònò.

kar. : - an ye nònabilà minw kalan ka ban, jòn bë olu fò ?

kal. : - n, i, a, an, a', -u.

kar. : - kumasen minw sèbènnèn filè, a' ye olu nònabilaw
kalan.

kal. : - ne, e, ale, anw, aw, olu.

Karamògò bë walimba jòsi, ka nònabilà bë sèbèn nin
cogo in na, walasa kalandenw k'u lasaa.

n	ne
i	e
a	ale
an	anw
a'	aw
u	olu

kar. : - ni mògò bë kuma, n'i t'a fè ka sinsi wale kèba-
ga kan, i bë nònabilà ta humanfètaw la. Olu ye
nònabilà gansanw ye.

N'i b'a fè ka sinsi wale kèbaga kan, i bè nònabilà ta kininfétaw la. Olu ye nònabila sinsinenw ye.

Kòlòsi : Karamògò b'a jira kalandenw na k'a fò kelenya kumakannóna ni caya kumanfénóna sèbèncogo ye kelen ye, nka u fòcogo tè kelen ye. Fòlò kan-hakè bè dugu ma, filanen ta bè san fè.

Degeli fòtaw

1. Karamògò bè kalanden kelen wele ka na nyè fè. A bè a yèrè jira k'a fò : - ne ye karamògò ye. A bè nyèfèkalanden in jira k'a fò : - e ye kalanden ye. A bè mògò wèrè jira k'a fò : - ale ye kalanden ye. A bè a yèrè ni mògò wèrèw jira k'a fò : - anw ye mògòw ye. A bè nyèfèkalanden n'a tòw jira k'a fò : - aw ye kalandenw ye. A bè nyèfèkalanden mabò tòw la k'a fò : - olu ye kalandenw ye.

A b'a fò nyèfèkalanden ye o k'a nyògònna kè. Ale bè mògòw jira-jira (ale b'i janto kalanden kana fili).

A bè kalanden wèrèw wele ka na nyè fè k'o nyògònna kè.

2. a. Karamògò bè kumasen fòlen ninnu ta k'u kumasen-kunw kè nònabila sinsinenw ye, kalandenw b'u yè-lèma ka kè nònabila gansanw ye.
Misali : kar. : - ne ye kalanden ye.
kal. : - n ye kalanden ye.

kar. : - e ye kalanden ye.
kal. : - i ye kalanden ye.

b. Karamògò bè kumasenw kumasenkun kè nònabila gan-sanw ye, kalandenw b'u kè sinsinenw ye.

Misali : kar. : - n ye kalanden ye.
kal. : - ne ye kalanden ye.
kar. : - i ye kalanden ye.
kal. : - e ye kalanden ye.

c. Degeli fila ninnu, kalandenw yèrè dama b'a kè u ni nyògòn cè.

3. Karamògò bè kelenya nònabilaw fò kumasen kòhò, kalandenw b'a sòsò ka sòrò k'u kè caya ye.

Misali : kar. : - n kelen bè taa so.
kal. : - i kelen tè taa so, an bée de bè taa so.

2. kar. : - a kelen de ye kalanden nyuman ye.

kal. : - a kelen tè kalanden nyuman ye, u bée ye kalanden nyuman ye.

4. Karamògò bè kumasen fò min kumasenkun ye tògò kelen wala tògò fila wala nònabila ni tògò wala nònabila fila ye, kalanden b'a yèlèma ka kè nònabila kelen ye.

Misali :

1. kar. : - Ali ni Fanta taara kungo la.
kal. : - u taara kungo la.
2. kar. : - ne ni e ye terima ye.
kal. : - an ye terima ye.

Baara këta

1. Nònabila bë se ka bila tògò nò la yòrò minw na, a' y'a bila a nò la o yòròw la :

Fanta faara, Fanta seginna ka na ; Fanta ye Fanta yèrè den wele, den ye Fanta laminè. Denmisènw ye denmisènw faw wele, faw ye denmisènw laminè.

2. Kumasen yèlèmali

Misali : ne Adama taara --- n taara
e Madu nana ---
ale Fanta nana ---
ne Adama ni Musa taara ---
Mamù ni Sira ma na ---

3. Aw ka jaabi laban fila la baara këta 2 kònò, aw bë nònabila sinsinenw bila nònabila gansanw nò la.

4. Nònabilaw ye joli ye ? Aw bë u kelen-kelenna bila kumasen dòw kònò.

kalansen 8

KAFOLI

Karamògò bë a sèbèn :

1. N kòròkè taara Bamakò.
2. Wari bë n fè.
3. To ka di ne da.
4. Jiridenw bë sugu la.
5. Ne ye sabara san.

kar. : - a' ye kumasen ninnu bila bansira kan.

kal. : - 1. N kòròkè ma faa Bamakò.

2. Wari fè n fè.
3. To man di ne da.
4. Jiridenw tè sugu la.
5. Ne ma sabara san.

kar. : - fòkumasenw don. A' y'u yèlèma sisan ka kè nyi-ninkalikumasenw ye.

kal. : - 1. N kòròkè taara Bamakò wa ?
N kòròkè taara Bamakò ?

2. Wari bë n fè wa ?
Wari bë n fè ?
3. To ka di ne da wa ?
To ka di ne da ?
4. Jiridenw bë sugu la wa ?
Jiridenw bë sugu la ?
5. Ne ye sabara san wa ?
Ne ye sabara san ?

kar. : - a' ye na kuluw danfara kumasenw na, walomba

kan.

Kalandenw bè kuluw danfara :

N kòròkè	:	taara Bamakò
Wari	:	bè n fè
To	:	ka di ne da
Jiridenw	:	bè sugu la
Ne	:	ye sabara san

kar. : - danyè minw bè se ka jòsi kulu fòlòw kònò, a' ye
olu jòsi.

- Kòlòsi : 1. Ni kalandenw ye "N" walima "kòròkè" jòsi,
karamògò b'a jira ko yan, danyè fila bée
wajibiyalen don, barì ni u fila la fèn o fèn
jòsira, kumasen kòrò bè yèlèma. Ni jòsili bè
kè, kumasen kòrò man kan ka yèlèma.
2. Danyè fosi tè se ka jòsi kulu fòlòw kònò.

kar. : - a' ye nònabilaw sigi kulu fòlòw nò na.

kal. : - 1. A taara Bamakò.

2. A bè n fè.

3. A ka di ne da.

4. U bè sugu la.

5. E I)

Ale A)

Anw An) ye sabara san.

Aw A')

Olu U)

kar. : - a' ye nin lamèn :

Ne kòròkè taara Bamakò. A den taara Bamakò.

Jòn bè o kumasen fila fara nyôgòn kan k'a kè kumasen

kelen ye ?

kal. : - Ne kòròkè n'a den taara Bamakò.

kar. : - Wari bè n fè. Fini bè n fè.

kal. : - Wari ni fini bè n fè.

kar. : - To ka di ne da. Basì ka di ne da.

kal. : - To ni basi ka di ne da.

kar. : - Jiridenw bè sugu la. Nafènw bè sugu la. Sumanw bè sugu la.

kal. : - Jiridenw ni nafènw ni sumanw bè sugu la.

kar. : - Ne ye sabara san. E ye sabara san.

kal. : - Ne ni e ye sabara san.

kar. : - danyè min bè kè ka danyè wèrèw kafo, a bè fò
o ma ko kafolan. "ni" ye kafolan de ye.

kar. : - ni n ye kumasen min fò sisan, a' bè o kulu fòlò
danyè kafolenw labi ni nònabilà dò ye :
1. N kòròkè n'a den taara Bamakò.

kal. : - U taara Bamakò.

kar. : - mun na a' ko "u" ?

kal. : - mògò fila de taara Bamakò, mògò kelen tè.

kar. : - "u" ye mun ye ?

kal. : - "u" ye caya kumakkannòna de ye.

kar. : - 2. Wari ni fini bè n fè.

kal. : - U bè n fè.

kar. : - 3. To ni basi ka di ne da.

kal. : - U ka dì ne da.

kar. : - 4. Jiridenw ni nafènw ni sumanw bè sugu la.

kal. : - U bè sugu la.

kar. : - mun na a' ye "u" fò ?

kal. : - fèn caman de bè sugu la.

kar. : - 5. Ne ni e ye sabara san.

kal. : - An ye sabara san.

kar. : - mun na a' ye "an" fò ?

kal. : - mògò fila de ye sabara san.

kar. : - "an" ye mun ye ?

kal. : - "an" ye caya kumafònàna de ye.

kar. : - "ni" bè kè ka kafoli kè cogo min, "wali" (wali-ma) fana bè kè ka kafoli kè ten.

Misali : Fanta wali Jènèba bè finiw ko.

To walima kini bè tobi tile fè.

kar. : - jòn bè forobatògò fila kafo kumasen dò kònò ?

Kalandenw bè o kumasenw dila.

kar. : - jòn bè tògòjè fila kafo kumasen dò kònò ?

Kalandenw bè o kumasenw dila.

kar. : - jòn bè nònabila fila kafo kumasen dò kònò ?

Kalandenw bè o kumasenw dila.

kar. : - a' ye kumasen dòw dila, kafoli bè kè minw na.

Kòlòsi : Kalandenw bè se ka kafoli sugu bée kè :

tògòjè + (tògòjè

(forobatògò

(nònabila

forobatògò + (tògòjè

(nònabila

(forobatògò

nònabila + (tògòjè

(nònabila

(forobatògò

Degeli fòtaw

1. Karamògò bè kumasen fila fò, a b'a nyini kalandenw

k'u yèlèma ka kè kumasen kelen ye, "ni" wali "ani" ka bila tògò fila ni nyògòn cè.

Misali : kar.: - Madu bè taa so. Fanta bè taa so.

kal.: - Madu ni Fanta bè taa so.

2. Karamògò bè kumasen fila fò, ka "n'o tè" bila u ni nyògòn cè, kalandenw b'u yèlèma ka kè kumasen kelen ye ka "wali" wali "walima" bila tògòw ni nyògòn cè.

Misali : kar. : - Bakari bè taa walamba la. N'o tè, Jènèba bè taa walamba la.

kal. : - Bakari wali jènèba bè taa walamba la.

3. Karamògò bè kumasen fila-fila fò, minnu farali nyògòn kan bè se ka na ni "ani" fòli ye wali "wali". A b'a nyini kalandenw ka kafolan bënta kè ka kumasen fila kafo.

Misali : kar.: - Fanta ka yòrò furan, Jènèba fana ka yòrò furan.

kal.: - Fanta ni Jènèba ka yòrò furan.

kar.: - Madu ka nakò sòn. N'o tè Bakari ka nakò sòn.

kal.: - Madu wali Bakari ka nakò sòn.

Baara kèta

1. Aw bè kumasenw yèlèma k'u kè kumasen kelen ye :

Misali : Fanta taara. Madu taara. --- Fanta ni Madu taara.

- Modibo nana. Musa nana. Fanta nana.

- Birama bè nègèsò san. A muso bè nègèsò san.

- Garankè bè baara la. A ka kalanden bè baara la.

- Karamògò bè sèbènni na. Kalanden bè sèbènni na.

- Cè bë baro la. Muso bë baro la.
- A ye Ngolo wele, a ye Nci wele, a ye Nyele wele,
a ye Sibiri wele, a ye Adama wele, k'u lasigi.

2. Aw bè kumasenw yèlèma k'u kè kumasen kelen ye "wala" ("walima") bè sòrò min ha :

- Jòn bè taa ? Môdu bè taa, Fanta bè taa.
- Musa de bè taat, Mamu de bè taa.

kalansen 9

JIRALAN

Karamògò bè cè saba ja kè walomba kan : kelen ka bon, fila ka misèn. U sigilien don.

Karamögö bë nyininkali kè :

kar. : - jôn ka bon ? Karisa, na belebele jiro.

Kalanden bē na walamba la :

kal. : - nin de ka bon.

kar. : - nin mun ? Fali wa ?

kal. : - nin cè de ka bon;

kar. : - karisa ye mun kè ?

kal. tòw : - a ye cè belebele jira,

kar. : - a y'a jira cogo di

kal. : - a y'a jira n'a bolo ye.

Kar. :- tuma caman, ni mógo bë fén jira, i bë kuma,
nka i b'i bolo fana kè ka fén jira.

karisa ko "nin cè de ka bon". Fôcogo wèrè bë o kuma na wa ?

kal. : - a bë se ka fò : - cè in de ka bon.
- nin cè in de ka bon.

Karamògò bè kumasen fôlenw sèbèn walanba kan :

1. Nin ka bon.
 2. Nin cè ka bon.
 3. Cè in ka bon.
 4. Nin cè in ka bon.

A b'u kalan kelen-kelen, ka jirali kè :

- kar. : - danyè jumèn bè kè ka jirali kè, ni n ko :
 1. Nin ka bon.
 kal. : - "nin" de bè kè ka jirali kè.
 kar. : - 2. Nin cè ka bon.
 kal. : - "nin" de bè kè ka jirali kè.
 kar. : - 3. Cè in ka bon.
 kal. : - "in" de bè kè ka jirali kè.
 kar. : - 4. Nin cè in ka bon.
 kal. : - "nin" ni "in" de bè kè ka jirali kè.
 kar. : - "nin" ni "in", a bè fò olu ma ko jiralanw.

 kar. : - a' ye kuluw danfara.

Kalandenw bè kuluw danfara tan :

- | | | |
|--------------|---|--------|
| 1. Nin | : | ka bon |
| 2. Nin cè | : | |
| 3. Cè in | : | |
| 4. Nin cè in | : | |

- kar. : - danyè jumèn bè (1) kulu fòlò kònò ?
 kal. : - jiralan de b'a kònò.
 kar. : - danyè jumèn bè (2) kulu fòlò kònò ?
 kal. : - jiralan ni tògò.
 kar. : - jumèn fòlò bè fò ?
 kal. : - jiralan.
 kar. : - tògò bè min ?
 kal. : - tògò bè jiralan kò fè.
 kar. : - danyè jumèn bè (3) kulu fòlò kònò ?
 kal. : - tògò ni jiralan.
 kar. : - jumèn fòlò bè fò ?
 kal. : - tògò de fòlò bè fò.

- kar. : - a' ye (3) jiralan lajè. A bè se ka bila (2) ta nò na wa ? A bè se ka fò "in cè ka bon" wa ?
 kal. : - ayi, o tè se ka fò.
 kar. : - o kòrò ye di ?
 kal. : - o kòrò ye ko "in" bè se ka bila (fò) tògò kò fè dòròn de.
 kar. : - danyè jumèn bè (4) kulu fòlò kònò ?
 kal. : - jiralan fila ni tògò kelen.
 kar. : - tògò bè min ?
 kal. : - a bè jiralan fila ni nyògòn cè.
 kar. : - a' y'a lajè ni nònabila bè se ka bila tògò nò na kulu ninnu kònò.
 kal. : - o tè se ka kè.
 kar. : - o tuma, jiralan ni tògò bè ta a nyògòn fè, nka a ni nònabila tè nyògòn fà.

 kar. : - a' ye kumasen nin lamèn : "cè nin ka bon". Ni cè caman don, a bè fò cogo di ?
 kal. : - cè ninnu ka bon.
 kar. : - jiralan bè min ?
 kal. : - a bè tògò kò fè.
 kar. : - a bè se ka kè tògò nyè fè wa ?
 kal. : - ayi / òwò.
 kar. (ni kalanden ko òwò) : - "ninnu cè ka bon" ghi "cè ninnu ka bon" o kòrò ye kelen ye wa ?
 kal. : - o kòrò tè kelen ye.
 kar. : - o tuma "ninnu" bè bila tògò kò fè de tuma bèe, n'a ni tògò bè ta a nyògòn fè.

 kar. : - a' ye kumasen in lamèn : "cè in ka bon". Ni cè caman don, a bè fò cogo di ?
 kal. : - "cè ninnu ka bon".
 kar. : - a' ye nin lamèn : "nin cè in ka bon".

Ni cè caman don, o bè fò cogo di ?

kal. : - "nin cè ninnu ka bon".

kar. : - a' ye nin lamèn : "nin ka bon".

Ni mògò caman ko don, a bè fò cogo di ?

kal. : - "ninnu ka bon".

Karamògò bè cè belebele ja jira :

kar. : - cè nin ka bon wa ?

kal. : - òwò, a ka bon.

Karamògò bè cè misènman kelen jira :

kar. : - nin dun ?

kal. : - o man bon.

kar. : - "o" fana ye jiralan ye, i n'a fò nin. Nka ale tè se ka bila (fò) tògò kò fè. A bè fò "o cè ka bon", a tè fò "cè o ka bon".

kar. : - a' ye jaw filè.

A bè cè belebele jira :

kar. : - cè in ka bon wa ?

kal. : - òwò, a ka bon.

kar. (a bè tò fila jira) : - nin ni nin dun ?

kal. : - olu man bon.

kar. : - mun na i m'a fò "o man bon" ?

kal. : - mògò fila ko don.

kar. : - o tuma "olu" bè mun jira ?

kal. : - a bè caya jira.

Degeli fòtaw

1. Karamògò bè kumasen dò fò, min kònò a bè jirali kè ni "min" ("minnu") ye,

kalanden fòlò b'a yèlèma k'a kè "tògò + in" ye, filanan b'a yèlèma ka kè "nin + tògò" ye, sabanan b'a yèlèma ka kè "nin + tògò + in" ye, kalanden naaninan b'a kè "nin" gansan ye.

Misali : kar. : - dongsokè min filè, a tè sogo faga.

kal. 1 : - dongsokè in tè sogo faga.

kal. 2 : - nin dongsokè tè sogo faga.

kal. 3 : - nin dongsokè in tè sogo faga.

kal. 4 : - nin tè sogo faga.

2. Karamògò bè kumasen dò fò, a kumasenkun bè caya la, ka jirali kè ni kumasen y'a kònò, "minnu" ("minw") bè min na.

Kalanden fòlò b'a yèlèma ka kè "tògò + ninnu" ye, filanan b'a yèlèma ka kè "nin + tògò + ninnu" ye, kalanden sabanan b'a kè "ninnu" dama ye.

Misali : kar. : - donso minnu filè, u ka farin.

kal. 1 : - donso ninnu ka farin.

kal. 2 : - nin donso ninnu ka farin.

kal. 3 : - ninnu ka farin.

3. Karamògò bè ntèntèn dama dò da, kalandenw b'a jaabi ka "o" kè jaabi kumasenkun ye.

Misali dòw :

kar. : - n taara dugu kònò, n taara a sòrò musow bè

ka den kunsigi jan bamu
kal. : - o ye kabaforo ye.

kar. : - musokðrönin dökktó ye kónó ta,
kal. : - o ye jéné ye.

(Kalandenw yèrè bè ntèntèn dòw nyini ka nyògòn jaabi)

4. Karamògò bè kalandenw dege Sumangolo la,

Sumangolo nyègèn :

○ : cènīn cèjugu

fòlò : ba tigè

filanan : kô tigè

sabanan : Sumangolo na, Sumangolo

Kalanden fila bë taa walamba la. Fòlò bë dònkili da, a kòsinnien nyègèn ma. Filanan bë cèninw jira-jira, fòlò b'a fò min don, k'a ta kelen-kelen.

kal. fòlò : - cènin bòra dòn na, cènin cèjugu bòra dòn
na, cè wèrè ma dòn kè nin kelen kò.

kal filanan : - nin wa ?

kal. fòlò : - òwò Sumangolo.

dònkilî

kal. filanan : - nin wa ?

kal. fòlò : - o tè Sumangolo.

dònkit

kal, fòlò :- nin wa ?

kal. filanan : - o don Sumangolo.

N'tu sera tiiri saba ma u b'a fô :

kal, fòlò : dònkili

kat. filanan : - nin wa ?

kal. fölò :- ba tigè Sumangolo.

kal. filanam : - nin wa ?

kal. fòlò :- kò tigè Sumangolo.

kal. filanang : - nin wa-

kal. fölō :- Sumangolo, na Sumangolo.

U bë se cënин cëjuguw ma o kò fè, ka tèmè n'a ye
ten fo ka cënин cëjugu-tan ni fila ni ba naani ni kò
naani ni tiogèda naani ban.

Ni min ma fili a jate la, e sera.

Baara këta.

1. Aw bë jiralan ninnu bila tomi-tomiw nô na (nin, in, ninnu, o, olu) :

..... ye an ka karamôgô ye. Denmisèn bëe y'a ka kalandenw ye. Minnu bë numan fè tara nyinan, min filè ye, tara salon. U bëe ye dugu denw ye.

2. A' ye jiralan ninnu bila kumasenw kònò : nin, ninnu, nin...in, o, olu.

kalansen 10

T E G I Y A

Karamôgô bë kumasen ninnu sèbèn :

1. Fanta ka fali bë so kònò.
2. Fanta ka cè bë so kònò.
3. Fanta fa bë so kònò.

Karamôgô bë kalansenw kalan, Kalandenw b'u kalan,

kar. : - a' ye kuluw danfara,

Kôlòsi : Kuluw danfaralen filè :

1. Fanta ka fali : bë so kònò.
2. Fanta ka cè : " " "
3. Fanta fa : " " "

kar. : - an ka kumasen fôlò lajè, Kuma bë mun kun kan ?

kal. : - a bë fali de kun kan.

kar. : - fali jumèn ?

kal. : - Fanta ka fali,

kar. : - danyè jumèn b'a jira ko Fanta ka fali ko don ?

kal. : - "ka" de b'o jira,

kar. : - a' ye "ka" bò kumasen na k'a lajè,

kal. : - Fanta fali bë so kònò,

kar. : - o ye kumasen ye wa ?

kal. : - ayi,

kar. : - o tuma "ka" nyèci ye mun ye kumasen kònò ?

- kal. : - a bë tigiya jira.
 kar. : - danyè jumèn bë se ka bila fali nò na ?
 Kalandenw bë o danyèw nyini, ka kumasenw dila.

 kar. : - an ka kumasen filanan lajè. Kuma bë jòn kun kan ?
 kal. : - a bë cè dò de kun kan.
 kar. : - cè jumèn ?
 kal. : - Fanta ka cè.
 kar. : - c' ye "ka" bë kumasen na.
 kal. : - Fanta cè bë so kònò.
 kar. : - o ye kumasen ye wa ?
 kal. : - ówò.
 kar. : - o ni "Fanta ka cè bë so kònò" o kòrò ye kelen ye wa ?
 kal. : - ayi.
 kar. : - "ka" bë mun jira yan ?
 kal. : -
 kar. : - "ka" b'a jira ko fèn donna Fanta ni cè in cè,
 walima fèn bë u ni nyògòn cè, i n'a fò Fanta ni
 cè in delila ka kèle, walima cè in bë deli ka
 sanni kè Fanta fè. Nka Fanta cè tè. Ni Amadu
 ni Isa ye teri ye, u bë se ka nyògòn wele ko
 "n ka cè", bari teriya bë u cè.

 kar. : - an ka kumasen sabanan lajè. Kuma bë jòn kun kan ?
 kal. : - a bë Fanta fa de kun kan.
 kar. : - danyè jumèn b'a jira ko Fanta fa ko don ?
 kal. : - danyè si t'o jira.
 kar. : - "ka" bë se ka don Fanta ni fa cè wa ?
 kal. : - ayi.
 kar. : - a' ye danyèw nyini, minw bë se ka bila "fa" nò
 na kumasen in kònò.

- kar. : - sisan, a' ye kumasen fila in lamèn :
 Isa ka npalan ka bon. Mamadu ka npalan man
 bon.
 danyè jumèn ye kumasen fila nin jè ye ?
 kal. : - "npalan" de bë kumasen fila bëe kònò.
 kar. : - ni mógo min t'a fè ka "npalan" fò sinyè fila, i
 ka kan k'i ka kuma fò cogo di ?
 kal. : - Isa ka npalan ka bon, Mamadu ta man bon.

 Karamògò bë kumasen ninnu sèbèn.

 kar. : - mun bilala mun nò na kumasen filanan kònò ?
 kal. : - "ta" bilala "ka npalan" nò na.
 kar. : - "ta" bë mun jira ?
 kal. : - a bë tigiya jira.
 kar. : - o tuma a bë se ka wele cogo di ?
 kal. : - a bë se ka wele tigiyànòna.
 kar. : - a' ye kumasen dòw dila, ka tigiyànòna kè u kònò.

Degeli, fòtaw

1. Labili degeli (ni "ka" tè bèn yòrò min a ka bò yen) :

Fanta ka fali	bè ñù kònò.
kòròkè	
misi	
fa	
ba	
daba	
soli	
furukè	

muru
 sen
 mobili
 kunkolo
 jamu
 bôrè
 seliwolo
 tâgô
 dulôki
 sigiyôrô
 kumakan
 fugula
 saga
 dawolo
 cedenw
 fali
 kalandenw
 binyôrô

(Karamôgô yèrè bê danyè dò wèrèw nyini ka fara a kan)

2. Karamôgô bê kumasenw fô fila-fila, k'a nyini kalandenw k'u yèlèma ka kè kumasen kelen ye.
 Misaliw : a. kar. : - cè bê Fanta fè. Cè tâgô ye Maaju.
 kal. : - Fanta cè tâgô ye Maaju.
 b. kar. : - fali bê Baba fè. Fali ka bon.
 kal. : - Baba ka fali ka bon.
3. Karamôgô bê kumasen dôw fô, tigiyalan "ka" bê minw na, kalandenw b'a yèlèma ka kè "ta" ye.
 Misali : kar. : - Madu ka fali don.
 kal. : - Madu ta don.

Baara kèto

1. Aw ka kumasen dôw dila tigiya gansan bê sôrô minw na.
2. Aw ka kumasen dôw dila tigiya bérèbérè bê sôrô minw na.
3. Aw ka ci kè tigiyalanw kôrô nîn kumasenw na :
 Muso ka nyô susura.
 Muso den ka bon.
 Sira ka fini cè ka nyi.
 Madu ka dulôki ka surun.
 Mamu ka kisè ni Fanta ye.
 Fanta ka jan.
 Fanta ka walanni.
 U wele ka na.
4. Tigiyalan ka kan ka kè yôrô minnu na aw b'a kè yen.
 Madu y'a ... terikè ye. A ko : n ... cè, na an ka taa n ... nimôgôkè fè yen ; a ... den ... denkundi bê kè bi. I kôrômuso ... den ye mun ye, cè wa muso ? - Muso. I kôrômuso ... cèni bê yen wa ? - Jôn ? - Babifeerela. - Onhôn a bê yen.
 - N'a tilala baara la, an n'a bê tulon kè.

kalansen 11

HAKÈLAN

Misi kêmè bë Birama fa fè. Bi, misi ninnu bëe taara kungo kônô. Misi fosi ma to so. Kunun misi fèn tun ma taa kungo kônô. Kunasini, bisaba tun tora so, biduuru tun taara kungo kônô. Damadô tun tununna sira fè, nka bérè tè. Misi kelen-kelen b'u la minw tè sòn ka sira tilennen minè. N'o tè Birama ka misi kêmè in ye nafo-loba ye a bolo.

kar. : - danyè jumèn bë se ka bila danyè kôrôcilenw nà na (bëe, fosi, fèn, damadô, bérè, kelen-kelen, caman), k'a sôrô kuma kôrô ma yélèma ?

Kalandenw bë o danyèw nyini.

Misaliw : bëe : mumè, kuturu.

fosi : si, fèn, foyi.

fèn : si, foyi, fosi.

damadô : kelen-kelenw, dôonin.

kar. : - fosi tè se ka bila kêmè ni bisaba nò na, bari kumasen kôrô bë yélèma o la.

Danyè ninnu bëe ye hakèlan de ye, bari u bë jira. Nka dôw bë hakè pereperelatigèlen jira, dôw bë hakè pereperelatigèbalì jira. Minw bë hakè pereperelatigèlen jira, a' k'olu latômô.

Kalandenw bë kêmè, bisaba, ... fô.

kar. : - kêmè ni bisaba bë hakè pereperelatigèlen de jira. O de kosôn, an ma se ka fèn wèrè bila u nò na.

Jôn bë u nyôgônnâ dôw dòn ?

kal. : - kelen, tan, mugan, ...

kar. : - hakèlan tò bëe bë hakè pereperelatigèbalì jira. Nka dôw bë sôrô kumasenw na, minw bë bansira dôrônn kan, dôw bë sôrô kumasenw na, minw bë sônsira walima bansira kan. An ka fôlôw nyini.

Kalandenw bë ninnu latômô, u kumasendilatô : fosi, si, foyi.

kar. : - an ka kumasen ninnu lajè :

1. Misi mugan taara kungo kônô.
2. Misi bëe taara kungo kônô.
3. Misi si ma taa kungo kônô.
4. Misi damadô taara kungo kônô.

N'an b'a fè ka jiralan don kumasen ninnu na, k'a sôrô kumasen kôrô ma yélèma, an b'a sigi min ?

Kôlôsi : N'a fôra misi ninnu mugan taara kungo kônô, kumasen kôrô bë yélèma.

kal. : - 1. Misi mugan ninnu taara kungo kônô.

2. Misi ninnu bëe taara kungo kônô.

3. Misi ninnu si ma taa kungo kônô.

4. Misi damadô ninnu taara kungo kônô.

kar. : - n'an b'a fè kumasen dôw kôrô ka yélèma, an bë jiralan sigi min ?

kal. : - 1. Misi ninnu mugan taara kungo kônô,

2. ("ninnu" tè se ka bò a nò na).

3. ("ninnu" tè se ka bò a nò na).

4. Misi ninnu damadò taara kungo kònò.
kar. : - o tuma, a bè se k'a fò ko ni jiralan ni hakèlan
bè nyögòn fè, ni jiralan sigiyòrò yèlèmana, kumasen kòrò bè yèlèma.

kar. : - sisàn, a' ye kumasen ninnu lajè :

1. Misi bée taara kungo kònò,
2. Nònò bée feerela.

N'i b'a fè ka jiralan "nin" bila kumasen (1) la, i
b'a fò cogo di ?

kal. : - Misi ninnu bée taara kungo kònò.

kar. : - mun na i t'a fò "nin" ?

kal. : - misiw ka ca, u bè se ka dan.

Kòlòsi : Ni kalanden ma nin jaabi in sérò, karamògò
k'a di a ma.

kar. : - n'i b'a fè ka jiralan "nin" bila kumasen (2) na,
i b'a fò cogo di ?

kal. : - Nònò nin bée feerela.
Nònò ninnu bée feerela.

kar. : - o kumasen fila kòrò ye kelen ye wa ?

kal. : - ayi.

kar. : - mun na ?

kal. : -

kar. : - nònò ye fèn ye min bè se ka dan wa ?

kal. : - ayi.

kar. : - hali ni nònò sifaya caman don ?

kal. : - ni nònò sifaya ka ca, u bè se ka dan.

kar. : - n'a fòra "Nònò nin bée feerela", nònò tè se ka
dan. O de kosòn a bè fò "nin".

N'a fòra "Nònò ninnu bée feerela", nònò sifayaw

ko don. Fèn min bè se ka dan, o jiralan bè se ki
caya ta. Min tè se ka dan, o jiralan tè se ka ca
ya ta.

Degeli fòtaw

1. Karamògò bè fèn dòw hakè nyininkali kè, kalandenw
b'a da fò n'a bè se ka dafò. N'a tè se ka dafò, u bè
hakèlan pereperelatigèbali dò bila a la.

Misaliw :

1. kar. : - bolonkòniden joli bè warabilen fè ?
kal. : - bolonkòniden naani bè warabilen fè.
2. kar. : - saga joli bè Baba fè ?
kal. : - saga damadò (caman, dògòman, ...) bè
Baba fè.

2. Labili (ni kalandenw ye labili kè ni hakèlarw ye,
minnu ka kan ka kè bansira la, olu ka kè bansira la).

Misiw bée taara fògò la.

foyi
fila
kòlòkòlò
bèrè
damadò
dògòman
dòw
dò
si
fèn
kèmè
bée

3. Karamògò bè kumasen dòw fò, hakèlan bè minnu na, a b'a nyini kalandenw fè u ka jiralan bila a kumasenw kònò, n'a bè se ka kè.
 Misali : kar. : - Misiw bée taara,
 kal. : - Misi ninnu bée taara.

Baara kèta

1. Aw bè kumasenw dafa ni hakèlanw ye (dòw, bée, kelen, naani, foyi, bérè).

An ... taara kalanyòrò la. Mògò ... ma kalan coolo. Nka kalanso filanan na, kalanden ... dòròn de tun bè yen. Karamògò ... bilala an kun na, an tun tè min dòn. A kumana, an ma ... faamu. Kalanden ... de sera k'a jaabi. A ko ko an tòw tè ... ye, k'an ma kalan. Kalan bannen, kalanden ... taara ntolatanyorò la.

2. Aw bè kumasenw dafa ni hakèlan ninnu ye : si, bérè, fèn, dòonin, dò.

Malo ... tè yen. A' ye taa ... san ka fara a kan. Nyò kònì bè yen ... ma bò o la. Fini ... fana bè yen, aw b'o kè foyò ye.

kalansen 12

FARANFASILAN W

Masalabolo :

Cè fila donna Musaw ka so kunun. Cè kelen ye foli kè. Cè dò ma foli kè. Cè dò wèrè donna u nò fè. Musa fana run bè kò fè ka na. Cè ninnu kònì na ale ye. Ale y'u ye. Musa ko : - "Nsonw jaati de bè don mògò bara nin cogo in na. Nson wèrè tèna don anw ka so nin kò." Musa yèrè ye nsonw minè.

kar. : - a' ye kuluw danfara.

kar. : - a' ye jòsili kè kulu fòlòw kònò. Danyé min tè jòsi, a' ye ci kè o ju kòrò.

(O danyèw filè : cè, cè, cè, cè, Musa, cè, ale, Musa, nsonw, nson, Musa).

kar. : - an ka kulu fòlòw jiidi u nò na.

(Minnu jiidilen don, olu filè : cè fila, cè kelen, cè dò, cè dò wèrè, Musa fana, cè ninnu, nsonw jaati, nson wèrè, Musa yèrè).

kar. : - a' ye jiidi ninnu lajè. A' ye minw kalan ka tèmè a' ye olu fò, k'u tògò fò.

kal. : - "fila" : o ye hakèlan ye.

Kòlòsili : Ni kalanden ko "kelen" ye hakèlan ye kuma-

sen filanan kônô, karamôgô k'a jira k'a fô ke-
len fè hakèlan ye yan, bari a bê se k'a fô :
- cè kelen ye foli kè (cè kelen dôrôn, fila
tè, saba tè)
walima

- cè kelen ye foli kè (cè fila la kelen).
Kumasen fila kôrô tè kelen ye.

kal. : - "ninnu" : o ye jiralan ye.
kar. : - jiidi kuraw fôgô ye di ?
kal. : -

kar. : - u bê fôgô nyè fè wa, u b'a kô fè ?
kal. : - u bê fôgô kô fè.
kar. : - u nyèci ye mun ye ?
kal. : - u bê kulukuntigi faranfasi.

Ladili : Ni kalanden m'a sôrô, karamôgô ka a fô a ye.
kar. : - u bê kulukuntigi faranfasi, o de kosôn a bê fô u
ma ko faranfasilanw.

Degeli fôta w

1. Karamôgô bê nyininkaliw kè, minnu jaabi bê na ni "yèrè"
ye, kalandenw b'u jaabi.

Misali : kar. : - jòn bê Baba ka mobili boli ?
kal. : - Baba yèrè de b'a ka mobili boli.

2. Karamôgô bê kumasen dôw fô, ka sôrô ka nyininkali kè
ni fôgô wèrè ye. Kalandenw b'a jaabi, ka "fana" don
kumasen kônô.

Misali : kar. : - Madu ye jate sôrô, Fanta dun ?
kal. : - Fanta fana ye jate sôrô.

3. Karamôgô bê nyininkali kè ni "jòn" ye kumasen kônô,
kalandenw b'a jaabi ni kumasen fila ye, "wèrè" bê
kelen na, "jaati" bê dô in na.

Misali : kar. : - jòn ye tabali kari ?
kal. : - moggô wèrè m'a kari. Musa jaati de y'a
kari.

4. Karamôgô bê nyininkalikumassen dôw fô bansira la, hakè-
lan "si" wali "foyi" bê min na, kalandenw b'a jaabi,
ka "kônî" kè kumasen na.

Misali : kar. : - kalanden si ma na dè ?
kal. : - Amadu kônî nana.

Baara kèta

1. Aw ka faranfasilan ninnu bila fôgô n'a jiidiw fè kumasen
dôw kônôna la : fana, dô wèrè, kônî.

2. Aw ka nin faranfasilanw kè ka kumasenw dafa : jaati,
yèrè, dô wèrè, dô, wèrè.

Kôlôsi : Dô nin kanhakè ni kalansen ta bée ye kelen ye.

- Misi fila témèna, kelen ye bilenman ye ... ye finman
ye. O kô, misi ... témèna, ... fana témèna, olu fila
bée ye jèmanw ye. O kelen kô, misigènna ... nana.

- E. O tun tè misigènna ye dè. Cikèla dô tun témètô
don.

- Misigènna ... de don. E m'a ka bere n'a ka gabamba ye de.

kalansen 13

MAN KUTULAN

1. Mòbili jèman bè Amadu bolo.
2. Mòbili nyugujima ka di ne ye.
3. Hadamaden fali tè fèn faamuya.
4. Wulu fatò tè mògò jènyògòn ye.
5. Môni sukaroma ka di Sinè ye.
6. Mògò malobali ka ko man di.
7. Cè nkalontigèla tè hòròn ye.
8. Woro karilen in ma tugu ka nyè.

Tilayòrò fòlò

Karamògò bè kumasenw kalan. O kò, kalanden fila b'u kalan.

Karamògò b'a nyini kalandenw fè u ka kuluw bò nyògòn na.

Kulu fòlò danyè minnu bè se ka cè k'a sòrò kuma ma tinyè, u b'olu cè, ka sòrò k'u sèbèn yòrò wèrè. Olu filè nin ye :

- jèman
- nyugujima
- fali
- fatò
- sukaroma
- malobali
- nkalontigèla

- karilen

Tògò min tora kulu fòlò la u bè ci kè o kòrò.

kar. : - an ye danyè minnu cè k'u sèbèn kèrè fè, olu ye mun ye ?

kal. : - tògò jiidiw don.

Karamògò bè jiidi ninnu kelen-kelen lajè, ka kalandenw nyininka u bè kunnafoní min di tògò kan, u k'o fò.

kar. : - komin an y'u bèe lajèlen lajè, u bè min jira, a' y'o fò.

kal. : - tògò bè cogo min, tògò mankutu, u b'o de jira.

kar. : - an b'a fò k'u bè tògò mankutu. Fèn min nyèci ye mankutuli ye, a bè se ka fò o ma cogo di ?

kal. : - a bè se ka fò o ma ko "mankutulan".

kar. : - a' y'a' hakili to nin na : tògò jiidi min b'a kècogo jira, k'a mankutu, a bè fò o ma ko "mankutulan".

Tilayòrò filan

Karamògò bè kumasen fòlò tògòkulu ta k'a sèbèn walanga kan:

mòbili jèman

kar. : - nin ye kumasen ye wa ?

kal. : - ayi. Kumasesn tè bari a ma dafa.

kar. : - an k'a yèlèma ka kè kumasen ye ka mòbili nyè cogoya fò. An b'a fò cogo di ?

kal. : - mòbili nyè ka jè.

kar. : - ni danyè "nyè" bòra a la dun ?

kal. : - mòbili ka jè.

kar. : - mòbili jèman / mòbili ka jè. A' ye nin fila

- sanga. "mòbili jèman" yèlèmali ka kè kumasen ye, yèlèma jumèn donna a la ?
- kal. : - "ka" bilala danyè fila ni nyôgòn cè, ka "-man" tigè ka bò danyè filanan na.
- kar. : - a' ye kumasen filanan kulu fòlò ta.
- kal. : - mòbili nyuguji ma.
- kar. : - yèlèma min donna kumasen fòlò kulu fòlò la k'a kè kumasen ye, o yèlèma bè se ka kè yan wa ?
- kal. : - a tè se. "mòbili ka nyuguji", o tè bamanankan ye.
- Karamògò bè a nyininkali kelen kè kumasen tòw bée la.
- kar. : - a' ye mun kòlòsi, n'aw ye kumasen fòlò yèlèmali ni tòw sanga nyôgòn ma ?
- kal. : - "jèman" bè se ka tigè ka kè "jè" ye, ani k'a kumasenya ni "ka" ye. Tò ninnu tè se ka kè ten.
- kar. : - an b'a fò ko "jè" (wala "jèman") ye kamankutulan ye, bawo a bè se ka fò "a ka jè". Mankutulan fèn o fèn bè o cogo la, o bée ye kamankutulanw ye.
- A' b'o minnu dòn, a' y'olu fò, an'u yèlèmali.
- Misali : mòbili teliman --- mòbili ka teli.
- kal. : - mòbili finman --- mòbili ka fin.
- mòbili bilenman --- mòbili ka bilen.
- mòbili kalanman --- mòbili ka kalan.

Tilayòrò sabanan

Karamògò bè a sèbèn walanba kan : mòbili jèman. A bè "-man" cè ka bò a la.

kar. : - danyè kòrò b'a nò na wa ?

kal. : - òwò, a kòrò b'a nò na.

kar. : - o tuma "-man" bè se ka bò kamankutulanw na n'u tugulen bè tògò la k'a sòrò u kòrò ma yèlèma.

Karamògò b'a sèbèn walanba kan :

mòbili ka bon

mòbili ka jan

mòbili ka gan

kar. : - a' bè se ka "ka" bò ninnu na ka "-man" fara mankutulanw kan wa ? A' y'u ta kelen-kelen. "mòbili bonman" bè se ka fò wa ?

kal. : - ayi, o tè se ka fò.

kar. : - a bè fò cogo di ?

kal. : - "mòbili belebeleba"

kar. : - "mòbili janman" bè se ka fò wa ?

kal. : - ayi, o tè se ka fò.

kar. : - a bè fò cogo di ?

kal. : - "mòbili jamanjan".

kar. : - "mòbili ganman", o bè se ka fò wa ?

kal. : - o tè se ka fò.

kar. : - a bè fò cogo di ?

kal. : - "mòbili goniman".

kar. : - o tuma aw k'a dòn ko kamankutulan dòw bè yen, olu tè se ka kè kulu fòlò tògò jiidi ye, fo n'i ye danyè wèrè bila u nò na.

Degeli fòtaw

1. Karamògò bè mankutu kumasen dò dila i n'a fò : "mòbili ka teli", kalanden fòlò bè mankutulan yèlèma k'a bila kulu fòlò la, i n'a fò : "mòbili teliman don", ka-

Ianden filanan bè "-man" bò mankutulan na i n'a fò "mòbili teli don".

Misali : kar. : - muso ka kekun.
kal. 1 : - muso kekunman don.
kal. 2 : - muso kekun don.

2. Karamògò bè kumasen dò fò "ye...ye" bè min na, kalanden bè kumasen yèlèma ka tògò filanan kè kulu fòlò tògò jìidi ye.

Misali : kar. : - wulu in ye fatò ye.
kal. : - wulu fatò don.

3. Karamògò bè kumasen dòw fò, mankutulan bè minnu na (a kèra kamankutulan wala mankutulan gansan ye), n'a bè laban ni "don" ye, kalandenw b'a yèlèma k'a kè "ye...ye" kumasen ye wala mankutukumasen.

Misaliw : 1. kar. : - mòbili jèman don.
kal. : - mòbili ka jè.
2. kar. : - wulu fatò don.
kal. : - wulu ye fatò ye.

Baara kèta

1. Aw bè kumasenbolow dafa ni mankutulan dò ye min bè bèn :

- Fanta ka ...
- Namasa ka ...
- Nin jiri ka ...
- Nin mangoro ka ...
- Sama ka ... ni waraba ye.
- Lemuru don.
- Môgò don.

- Ko tè
- Wulu filè

2. Aw bè mankutulan dòw nyini minw labannen bè ni "-baatò" ye. Aw bè tila k'u bila kumasenw kònò.
3. Aw bè mankutulan dòw nyini minw labannen bè ni "-tò" ye. Aw bè tila k'u bila kumasenw kònò.
4. Aw bè mankutulan dòw nyini minw labannen bè ni "-ma" ye. Aw bè tila k'u bila kumasen dòw kònò.
5. Aw bè mankutulan dòw nyini minw labannen bè ni "-man" ye. Aw bè tila k'u bila kumasenw kònò.

kalansen 14

KULU FILANAN

KALANSEN FÒLÒ

Masalabolo :

Finitigi : - Fini ye. Fini ye. Wakisi don.
 Sannikèla : - Joli don ?

Finitigi : - Waa kelen.

Sannikèla : - Gèlèya bè. A barika .

Finitigi : - A san kèmè segin.

Sannikèla : - Wari filè.

Karamògò bè masalabolo kalan. Kalandénw fana b'a kalan.

Karamògò bè ci kè kumasen ninnu ju kòrò :

Fini ye. Wakisi don. Gèlèya bè. Wari filè.

kar. : - a' ye kuluw danfara.

(Kuluw danfaralen filè : Fini : ye
 Wakisi : don
 Gèlèya : bè
 Wari : filè)

kar. : - danyè joli bè kulu filanan kònò ?

kal. : - danyè kelen.

kar. : - mògò bè "ye" fò n'i b'a fè ka mun kè ?

kal. : - i bè "ye" fò n'i b'a fè ka fèn walima mògò jira.

kar. : - mògò bè "filè" fò n'i b'a fè ka mun kè ?

kal. : - mògò bè "filè" fò n'i b'a fè ka fèn, walima

mògò jira.

kar. : - mògò bè "don" fò n'i b'a fè ka mun kè ?
 kal. : - mògò bè "don" fò n'i b'a fè ka fèn sifaya jira, wa-
 lima tigilamògò.

kar. : - mògò bè "bè" fò n'i b'a fè ka mun kè ?

kal. : - i bè "bè" fò n'i b'a fè k'a fò ko fèn dò bè.

kar. : - a' ye kumasen dòw dila i n'a fò ninnu :

Fini ye.

Wakisi don.

Gèlèya bè.

Wari filè.

kar. : - kumasen minw bè se ka bila bansira kan, a' ye
 olu bila a kan.

kal. : - Wakisi tè. Gèlèya tè.

Kòlòsi : Bansira tè kumasen fila fò la.

kar. : - "ye", "don", "bè", "filè", a bè fò oly ma ko
 kunnafonilanw. U bè kunnafoni di kulu fòlò kan.

kar. : - "tun" bè se ka don kumasen ninnu na jumèn na ?

kal. : - Wakisi tun don. Gèlèya tun bè.

Kòlòsi : "tun" ni kumasen tò fila tè nyògòn ta.

Degeli fòtaw

1. Karamògò bè kumasen dòw fò, a kunnafoni ye "filè"
 ye, kalandenw b'u kunnafoni kè "ye" ye.

Misali : kar. : - wari filè.

kal. : - wari ye.

2. Karamògò bè kumasen dòw fò, minnu kunnafoni ye "ye"

ye, kalandenw b'u kunnafoni kè "filè" ye.
 Misali : kar. : - fini ye.
 kal. : - fini filè.

3. Karamògò bè kumasen dòw fò, bansira la, minnu sònsira
 bè se ka kè "don" ye wala "bè", kalandenw b'u sònsi-
 ra di.

Misali : 1. kar. : - Donso tè,
 kal. : - Donso don.
 2. kar. : - Nènè tè.
 kal. : - Nènè bè.

4. Karamògò bè kumasen dòw fò, minnu kunnafoni ye "ye",
 wala "filè", wala "bè", wala "don" ye, kalanden fòlò
 b'u yèlèma ka kè nyininkalikumisen ye, kalanden filanan
 b'u bila bansira kan.

Misali : kar. : - Wakisi don.
 kal. 1 : - Mun don ?
 kal. 2 : - Wakisi tè.

Kòlòsili : "filè" ni "ye", bansira tè olu la.

Baara kèta

1. Aw bè nin kumasenw dafa ni kunnafonilan gansahw ye :
 - A' ni sògòma.
 - Nba, jòn ... Fanta wa ?
 - Ayi, Fanta ... Madu ...
 - Madu, hèrè ... ?
 - Tòorò ...
 - Somogòw ... di ?
 - U ... hèrè la.
 - I bè woro nyimi wa ?

- Òwò.
- Woro ...
- I ni ce.

2. Aw bè nin kunnafonilan gansan ninnu bila kumasen dòw
 la :

ye, filè, tè.

kalansen 15

KULU FILANAN

KALANSEN FILANAN

Karamògò bè kumasen ninnu sèbèn walanba kan :

To ka di,
To ye dumuni duman ye.
A bè daga kònò.

Karamògò bè kumasenw kalan. Kalandenw b'u kalan.
kar. : - a' ye kuluw danfara.

(U danfaralen filè : to : ka di.
 to : ye dumuni duman ye
 a : bè daga kònò)

kar. : - a' ye kumasen ninnu bila bansira kan.
kar. : - To man di. To tè dumuni duman ye. A tè da-
ga kònò.

Karamògò bè degeli fòlò kè yan. O kò fè :
kar. : - ka/man, ye/tè, bè/tè, olu fana ye kunnafo-
lanw de ye.

kar. : - sis an ka kumasen fila ninnu lajè :
 To : ye dumuni duman ye.
 A : bè daga kònò.

Mun bè "ye" fila ni nyògòn cè ?
kal. : - tògò ni mankutulan.
kar. : - mankutulan ye tògò mun ye ?

kal. : - o ye tògò jiidi dò ye.

kar. : - a bè fò tògò n'a jiidiw ma ko tògò kulu.

kar. : - mun bè "bè" ni "kònò" cè ?

kal. : - tògò dè b'u ni nyògòn cè.

kar. : - o tògò bè se ka jiidi wa ?

kal. : - a bè se ka fò : daga belebele, daga fin, ...

kar. : - a bè fò "ye" ni "kònò" ma ko "kòbilaw", bari
u bè bila tògòkuiu kò fè.

kar. : - "To ye dumuni duman ye". Ni kòbila bòra ku-
masen in na a bè bèn wa ?

kal. : - a tè bèn.

kar. : - "A bè daga kònò". Ni kòbila bòra kumasen in
na a bè bèn wa ?

kal. : - a tè bèn.

kar. : - o tuma an bè se k'a fò ko kòbila ye wajibi ye
kumasen fila in kònò.

kar. : - a' ye kumasen dòw fò i n'a fò ninnu nyògònna :
1. To ka di.

2. To ye dumuni ye.

3. To bè daga kònò.

kar. : - a' y'a lajè ni "tun" bè se ka don kumasen saba
in kònò :

1. To ka di.

kal. : - To tun ka di,

kar. : - 2. To ye dumuni duman ye.

kal. : - To tun ye dumuni duman ye.

kar. : - 3. A bè daga kònò.

kal. : - A tun bè daga kònò.

Degeli fôtaw

1. Karamögô bë kumasen dòw fô, minnu kunnafoni ye mankutulan ye. Kalandenw b'u yèlèma ka kè kumasenw ye.

Misali : kar. : - to ka di.
kal. : - to ye dumuni duman ye.

2. Karamögô bë danyè dòw fô, an'u sôròyòrô, k'a sôrô a ma kumasen dila, kalandenw b'u kè kumasen ye (kôbi-la suguya bëe ka sôrô a la).

Misali : kar. : - malo, sugu.
kal. : - malo bë sugu la.
kar. : - nyô, jiginè
kal. : - nyô bë jiginè kôndô.

3. Karamögô bë kumasen suguya saba ninnu fô : minnu kunnafoni ye mankutulan ye, minnu kunnafoni ye tôgô ye, ani minnu kunnafoni ye kôbilakulu ye, kalanden fôlô b'u bila bansira kan, filanan bë "tun" fara u kan sônsira kan, sabanaj bë "tun" fara u kan bansira kan.

Misali : 1. kar. : - Bakarijan ka farin.
kal. 1 : - Bakarijan man farin.
kal. 2 : - Bakarijan tun ka farin.
kal. 3 : - Bakarijan tun man farin.

2. kar. : - Bakarijan ye cè ye.
kal. 1 : - Bakarijan tè cè ye.
kal. 2 : - Bakarijan tun ye cè ye.
kal. 3 : - Bakarijan tun tè cè ye.

3. kar. : - Bakarijan bë Segu.
kal. 1 : - Bakarijan tè Segu.
kal. 2 : - Bakarijan tun bë Segu.
kal. 3 : - Bakarijan tun tè Segu.

Baara këta

1. Aw ka nin mankutulanw bila kulu filanan na kumasen dòw la :

bon, kunba, timi, farin, jugu, go, misèn, fin, nyi.

2. Aw bë kumasenw dila "ye...ye" bë sôrô miñaw na.
Misali : Musa ye jenbefôla ye.

3. Aw bë kumasenw dafa ni fôgô (nònabila) ni kôbila ye.
Misali : Fanta bë sugu la.

- Tôorô tè ...
- Funteni bë ...
- Sunđô tè ...
- Kôngô bë ...
- Minnđô tè ...
- Hakè tè ...
- Farigan bë ...
- Wari tè ...
- So tè ...
- Fanga bë ...
- Salaya bë ...
- Kunkolodimi bë ...
- Musa sen tè ...
- Mamadu da tè ...
- Kadija bolo bë ...

- Isa nyè bè ...
- Ngolo tulo tè ...
- Zan kun bè ...
- Saga kan bè ...
- Fall sen bè ...
- Muso den bè ...
- Misiw bè ...
- Muso ka daga bè ...
- N delen bè ...
- N sigalen bè ...

4. Aw ka nin kôbila ninnu don kumasen dôw la :
 kun, kan, kôrè, (kôrè) fè, (san) fè, fè, bolo,
 nyè, kô,
 Misali : Madu bè Fanta fè.

kalansen 16

KULU FILANAN

KALANSEN SABANAN

Masalabolo :

Samiyè sera, Sènèkèlaw ka bò, Dabatigiw bèna ntugun
 kuru, Dabanatigiw bè wulili kè,

Karamògò bè a kalan, Kalandenw b'a kalan,

kar. : - a' ye kujuw danfara,
 (U danfaralen filè :

Samiyè	:	sera
Sènèkèlaw	:	ka bò
Dabatigiw	:	bèna ntugun kuru
Dabanatigiw	:	bè wulili kè)

kar. : - a' ye kumasenw bila bansira kan.

kal. : - Samiyè ma se,

Sènèkèlaw kana bò,

Dabatigiw tèna ntugun kuru,

Dabanatigiw tè wulili kè.

kar. : - a' ye kunnafonilanw nyini kumasenw kònò,

Ladili : Karamògò ka kan ka nyininkali laban kumasen
 fòlò la.

kar. : - sènèkèlaw ka bò,

kal. : - kunnafonilan ye "ka" ye,

kar. : - dabatigiw bèna ntugun kuru,

kal. : - kunnafonilan ye "bèna" ye.
 kar. : - dabatigaw bë wulili kë.
 kal. : - kunnafonilan ye "bè" ye.
 kar. : - mun bë "bèna" ni "bè" kô fè ?
 kal. : - tògò de b'u kô fè.
 kar. : - mun bë o tògòw kô fè ?
 kal. : -
 kar. : - wale de bë u kô fè, "kuru" ni "kè" ye wale de ye.
 N'a fôra "sènèkèlaw ka bò", wale ye jumèn ye ?
 kal. : - o ye "bò" ye.
 kar. : - n'a fôra "samiyè sera", wale ye jumèn ye ?
 kal. : - wale ye "sera" ye.
 kar. : - "sera" bëe tè wale ye. Wale ye "se" de ye.
 Kunnafonilan ye "-ra" ye.

 kar. : - kumasen kònò kunnafonilan bë bila yòrò jumèn ?
 kal. : - a bë bila wale nyè fè walima wale kô fè.
 kar. : - a' ye kumasen fila in lajè, k'u kulu filananw sangga :
 Samiyè sera.
 Dabatigaw bëna ntugun kuru.
 Mun bë kulu ninnu bò nyògòn na ?
 kal. : - kelen kunnafonilan bë wale kô fè, kelen ta bë wale nyè fè.
 kar. : - o dòròn ? A' y'u lajè kosèbè.
 kal. : - tògò bë kelen na, tògò tè kelen na.
 kar. : - tògò sigilen bë min ?
 kal. : - a bë kunnafonilan ni wale cè.
 kar. : - tògò tè min na, a bë fò o wale ma ko wale dafalen. Tògò bë min na, a bë fò o wale ma ko wale dafata, barì a bë dafa ni tògò de ye, walima tògòkulu.

kar. : - wale sugu jumèn bë kumasen in kònò :
 "sènèkèlaw ka bò" ?
 kal. : - wale dafalen de b'a kònò.
 kar. : - mun b'o jira ?
 kal. : - tògò tè kunnafonilan ni wale cè.
 kar. : - sisan an ka kumasen in lajè :
 "samiyè sera".
 Kunnafonilan jumèn wèrè bë se ka kè kulu filanan kònò, min tè "-ra" ye ?

 Kòlòsi : Kalandenw ka kan k'a bëe sòrò.

 kal. : - samiyè bë se.
 fè
 na
 ma
 bèna
 tèna
 ka
 mana
 kana

 kar. : - "se" ni kunnafonilan joli bë nyògòn ta ?
 kal. : - kunnafonilan tan.
 kar. : - "sènèkèlaw ka bò" kònò dun ?
 kal. : - sènèkèlaw kana bò.
 bë
 tè
 na
 ma
 bèna
 tèna
 mana
 - ra

kar. : - "bò" ni kunnafonilan joli bè nyôgòn ta ?

kal. : - kunnafonilan ta.

kar. : - an ka "dabatigiw bëna ntugun kurù" lajè.

kal. : - dabatigiw tèna ntugun kuru.

na

ma

bè

tè

ye

ka

kana

mana

kar. : - kunnafonilan jumèn ye wale saba in jè ye ?

kal. : - bè, tè, na, ma, bëna, tèna, ka, kana, mana.

kar. : - kunnafoni jumèn ye "se" ni "bò" jè ye ?

kal. : - "-ra".

kar. : - kunnafonilan jumèn ye "kuru" n'a nyôgònnaaw danmafèn ye ?

kal. : - "ye".

kar. : - an ko "se" ni "bò" ye wale sugu jumèn ye ?

kal. : - wale dafalenw don.

kar. : - "kuru" dun ?

kal. : - o ye wale dafata ye.

kar. : - o tuma an bè se ka mun fò "-ra" ni "ye" kan ?

kal. : - "-ra" ni wale dafalenw dòròn de bè nyôgòn ta.
"ye" ni wale dafataw dòròn de bè nyôgòn ta.

kar. : - sisan an ka kumasen ninnu lajè :

1. dabatigiw bëntugun kuru.

2. dabatigiw na ntugun kuru.

3. dabatigiw ye ntugun kuru.

Jumèn wale kera ka ban, jumèn ta ma kè fòlò ?

kal. : - 1 ni 2 wale ma kè ka ban fòlò. 3 ta kera ka ban.

kar. : - mun b'a jira ko wale kera, walima ko a ma kè ?

kal. : - kunnafonilan de b'o jira.

kar. : - o tuma n'a fôra "samiyè sera", o wale kera wa a ma kè ?

kal. : - a kera.

kar. : - n'a fôra "dabatigiw na ntugun kuru", kunnafonilan bë mun jira ?

kal. : - a b'a jira ko wale ma kè fòlò, nka a bëna kè.

kar. : - a' ye "tun" don masalabolo kumasen bëe la.

kal. : - Samiyè tun sera,

Sènèkèlaw tun ka bò.

Dabatigiw tun bëna ntugun kuru.

Dabanjantigiw tun bë wulili kè.

kar. : - an bë se k'a fò ko kumasen walema bëe bë se ka fò ni "tun" ye.

Degeli fòtaw

1. Karamògò bë kumasen walema dòw fò sônsira kan, kalandenw b'u bila bansira kan.

Misaliw : 1. kar. : - Madu bë taa Abijan.

kal. : - Madu tè taa Abijan.

2. kar. : - Kalandenw ka bò.

kal. : - Kalandenw kana bò.

3. kar. : - Baji mènna.

kal. : - Baji ma mòn.

2. Karamògò bë kumasen dòw fò bansira kan, kalandenw b'u bila sônsira kan.

Misaliw : 1. kar. : - An tèna tila kalansen in na.

- kal. : - An bëna tila kalansen in na.
 2. kar. : - Baru ma kalansen durusi.
 kal. : - Baru ye kalansen durusi.
 3. kar. : - Kalanden bëe má don kalanso kònò.
 kal. : - Kalanden bëe donna kalanso kònò.
3. Karamògò bë kumaser dòw fô, minnu wale ma kè ka ban, kalanden fòlò b'a kè wale labannen ye, kalanden filanan b'a kè wale nata ye (wale dafalen ni dafabali bëe ka sòrô a la ; sônsira ni bansira fana bëe ka sòrô a la).
- Misaliw : 1. kar. : - Donsokè bë wara faga.
 kal. 1 : - Donsokè ye wara faga.
 kal. 2 : - Donsokè (bëna wara faga.
 (na
 2. kar. : - Baba ka so bë boli.
 kal. 1 : - Baba ka so bolila.
 kal. 2 : - Baba ka so (bëna boli.
 (na
 3. kar. : - Madu tè fa dumuni na.
 kal. 1 : - Madu ma fa dumuni na.
 kal. 2 : - Madu tèna fa dumuni na.
4. Karamògò bë wale dafalenw ni wale dafataw fô-fô, a b'a nyini kalandenw ka kumaserw dila n'u ye, ni min bë se ka dafa, u k'o dafa, ni min tè se ka dafa, u k'o to yen.

Misaliw :

1. kar. : - taama.
 kal. : - sòròdasiw bë taama.
2. kar. : - dun.
 kal. : - Madu bë to dun.

Baara këta

1. Aw ka ci kè kunnafonilanw kòrô :

Muso ko a denw ma : musomaninw ka na yan, cèmaninw ka taa tulon kè. Aw kana taa siraba kan dè. N bë taa sugu la ; n tè mèen n bë na sisan. Fanta mana na, a na bòn'bòn di aw ma. Ni min kasira o tèna fèn sòrô.

2. Aw ka nin wale ninnu dafa ni tògò, wali tògòkulu dòw ye :

Ami taara sugu la, a ye ... san Fanta ye ... bamu. Mamu ye ... tigè, a ye ... sigi ta la. Baaraden ye ... ko k'u dabiri, a ye ... ko k'u fènsè, a ye ... sanpa, a ye ... fura.

3. Nin wale ninnu ni kunnafonilaw minw bë nyògòn ta aw b'u ni olu bila kumaserw na : san, mèen, rña, taa,

Sôoni, muso ... sugu la ; ni a ... a ... naw ... A ... yen, a ... joona.

4. Kumaser yèlèmali : a' ye wale labanbali kè labannenw ye.

Misali : Fanta bë na --- Fanta nana.
 Musa bë dumuni kè ---
 Madu bë kunun joona ---
 Mamu bë sogo san ---
 Misi bë bin nyimi ---

5. Aw bë walew nyini minw ni kunnafonilan "ra", "na", "la" bë nyògòn ta. Aw bë tila k'u bila kumaser dòw

kônô.

6. Aw bë walew nyini minw ni kunnafonilan "ye" bë nyô-gòn ta. Aw bë tila k'u bila kumasen dòw kônô.
7. Aw ye kumasen minnu dila baara këta 6 la, aw bë olu bò sônsira kan k'u bila bansira kan.

kalansen 17

SÈMÈNTIYALANW

Karamôgô bë kumasen ninnu sèbèn :

1. Adama ye tinyè fô kunun.
2. Adama ye tinyè fô Kita.
3. Adama ye tinyè fô piya.
4. Adama ye tinyè fô tònsigi la.
5. Tinyè ka kuna kosèbè.
6. Adama ye tinyè sèbèkòrò fô.

Karamôgô bë u kalan. Kalandenw b'u kalan.

kar. : - a' ye kuluw danfara.

kar. : - an ka kulu filananw lajè. A' bë danyè minw tògò dòn, a' ye ci kè olu ju kòrò.

(u ka kan ka ci kè ninnu ju kòrò : ye, tinyè, fô, tònsigi, la.)

kar. : - "la" ye mun ye ?

kal. : - o ye kôbila dò ye.

kar. : - kôbila bë kumasen fòw la wa ?

kal. : - ayi.

kar. : - "tònsigi la" dun ?

kal. : - o bë se ka bò a la.

kar. : - a bë se ka bila yòrò wèrè kumasen kônô wa ?

kal. : - a bë se ka fô : tònsigi la Adama ye tinyè fô.

kar. : - "tōnsigi la" bē mun jira ?

kal. : - a bē yōrō de jira.

kar. : - a bē fō a ma ko sémèntiyalan. A' ma cī kē danyè minw ju kōrō, olu fana ye sémèntiyalanw de ye. Nka sémèntiyalan kōbilantanw don.

kar. : - sémèntiyalan kōbilantan minw bē kumasen ninnu kōnō, a' y'u latōmō.

Kalandenw bē ninnu latōmō : kunun, Kita, piya, kosèbè.

kar. : - "sèbèkōrō" fana ye sémèntiyalan de ye.

kar. : - sémèntiyalan minw bē se ka sigi yōrō wèrè, kumasen kōnō, a' ye olu latōmō.

Kalandenw bē "kunun", "Kita", "tōnsigi la" latōmō.

kar. : - sémèntiyalan minw bē se k'u sigiyōrō falen i n'a fō ninnu, olu ye kumasen sémèntiyalanw de ye.

Minw tē se, olu ye danyè sémèntiyalanw ye. O tuma a' ye danyè sémèntiyalanw jira.

kal. : - "piya", "kosèbè", "sèbèkōrō", olu ye danyè sémèntiyalanw ye.

kar. : - "piya" bē danyè sugu jumèn sémèntiya ?

kal. : - a bē wale de sémèntiya.

kar. : - "kosèbè" dun ?

kal. : - o bē mankutulan de sémèntiya.

kar. : - "sèbèkōrō" dun ?

kal. : - o bē wale de sémèntiya.

kar. : - wale sémèntiyalanw bē bila wale nyè fè wa, a kō fè ?

kal. : - dōw bē bila a nyè fè, i n'a fō "sèbèkōrō", dōw bē bila a kō fè, i n'a fō "piya".

kar. : - sisan, sémèntiyalan ninnu kōrō tē kelen ye. N'an ye "kunun" ta, o bē tuma de jira. Tōw bē min jira, a' k'o fō.

kal. : - "Kita" bē yōrō jira.

"piya" bē cogoya jira.

"tōnsigi la" bē yōrō jira.

"kosèbè" bē cogo jira.

"sèbèkōrō" bē cogo jira.

kar. : - sisan, a' ye segin kumasenw kan, nka a' bē sémèntiyalan falen.

kar. : - 1. Adama ye tinyè fō kunun. Sémèntiyalan jumèn bē se ka bila "kunun" nō na (danyè kelen) ?

kal. : - Adama ye tinyè fō bi

" bē " " "

" " " " siní

" na " " siní

Karamōgō bē kumasen bē ta ka kē o cogo la, kelen-ke-lén. N'a sera kumasen 4 ma, kalandenw ka kān ka tōgō ni kōbila bē yélèma.

Degeli fōtaw

1. Labili (kōbila min bē bèn a' b'o ta)

Fanta	:	bē	: taa	:	sugu	:	la
"	:	"	:	so	:	"	
"	:	"	:	kalanyōrō	:	"	
"	:	"	:	kalanso	:	"	
"	:	bē	: don	:	"	:	"
"	:	"	:	bon	:	"	

: dingè : " "
 : mòbili : " "
 : bë yèlèn : " "
 : fali : " "
 : so : " "
 : misi : " "
 : Amadu : " "
 : bë di : " "
 : " : " "
 : bë tobi : " "

2. A' ye sémèntiyalan dò fara nin kumasen ninnu kan.

Fanta ka fin... (mònimòni)
 Joli ka bilen... (coricori)
 Alimami ka duloki ka jè... (panpasi)
 Niwakini ka kunan... (dugudugu)
 A ka na ka go... (bò, pi,...)
 Nsaranin ka misèn... (nyòròtòtò)
 Mangoro in ka di... (lewulewu)
 A jañen bè.... (kasakasa)
 A bolo fununnen bè... (ponpolon)

(Karamògò yèrè bè dò wèrè nyini ka fara a kan).

3. Karamògò bè kumasen dòw fò ka sangali kè a la, kalandenw b'o sangali yèlèma ka kè sémèntiyalan ye.

Misali : 1. kar. : - A y'a den bugò i ko fali.
 kal. : - A y'a den fali bugò.
 2. kar. : - A ye Madu fo i n'a fò mògò sèbè.
 kal. : - A ye Madu mògòsèbè fo.

3. kar. : - A' y'a' sigi i n'a fò tan sigi-sigi cogo.
 kal. : - A' y'a' tan-tan sigi.

4. A' ye kumasen ninnu dafa ni sémèntiyalan dò ye :

Nson bolila.... (biribiri)
 A y'i pan... (puruki, coloyi...)
 A binna dugu ma... (gongolon, toli, gogo)
 A taara... (shuwè)
 A ye tinyè fò... (piya,...)
 N ye nson minè... (cawu, còmi,...)
 Nin don... (cò)
 Mòbili ye shèdennin faga... (pukè)
 A ye nson siri... (gedegede)

(Karamògò yèrè bè dò wèrè nyini ka fara a kan)

5. Karamògò bè kumasen dòw fò, a b'a nyini kalandenw k'a tuma n'a yòrò sémèntiya.

Misali : kar. : - sanji nana.
 kal. : - sanji nana yan bi.

Baara kèta

1. Aw bè kumasenw dafa ni sémèntiyalanw ye (deredere, ntonton, borobara, kirikiri)

Misali : fini jèlen pasi.

1. foronto bilennen
2. lemuru kumunen
3. mangoro mòna ...
4. san finna ...

2. Aw bë kumasenw dafa ni sémèntiyalanw ye (kunun, dôonin, sôoni, sisân, sini)

I sigi Isa bë na.....
 a tun taara ci la Kati.
 A bëna taa Kita,
 tigaw ma nyè ji ma na.
 A dò la san bë na....

3. Aw bë kobilakuju kë ka nin kumasen ninnu dafa (kalanso kônô, so kônô, dukènè ma, sugu la, kungo la, dugu kônô).

Kalanderiw ni karamôgô bë den bë kasi
 la a ba bë baara la nasanna taara
 Cikèlaw taara moggô wèrè fè

4. Aw ka kumasenw dafa ni sémèntiyalanw ye (sôoni, sugu la, ju kôrô, salon)

- Fanta fana taara de wa ?
- Ayi, Fanta bë taa
- Jènèba taara min ?
- A taara
- Musa sigilen filè jiri
- sofaw tun bë Segu.

5. Aw bë ci kë sémèntiyalanw kôrô :

Madu taara kungo la. A bë na sôoni.
 Fuseni wulila yokôyi, moggô si ma bò a taatumâ kala ma.
 Musanin ka mananin cira po, a tonyogđon yélèla kakaka.
 Fuseni kasira haali. Modibo ko : n bë n ka mananin d'i
 ma teriya kosòn. O diyara Musanin ye kosèbè.

6. A' ye nin sémèntiyalanw bila kumasen dòw kônô :
 sèbékôrô, kosèbè, salon, kirikiri, manamana.

KALANSEN W

KUMASEN W

1. Kumasesen	nyè	8
2. Fökumasen		13
3. Nyininkalikumasen		19
4. Kabatikumasen - Diyagoyatikumasen		26
5. Kumasesen n'a kuluw		32

KULU FÔLÒ

6. Tôgô	38
7. Nônabila	47
8. Kafoli	55
9. Jiralan	61
10. Tigiya	69
11. Hakèlan	74
12. Faranfasilan	79
13. Mankutulan	82

KULU FILANAN

14. Kulu filanan, kalansen fôlò	88
15. Kulu filanan, kalansen filanan	92
16. Kulu filanan, kalansen sabanan	97
17. Sémèntiyalan	105